

# WANTOK

NIJUSPEPA BILONG OL PAPUA NIJUGINI STRET


Ernst & Young audited  
circulation 15,177

32 pes

Namba 972

Wik i stat long Fonde, Febueri 18, 1993

40 toea



**Laip long Indonesia...** Long lephan, ol lain Indonesia i soim kain musik na pasin tumbuna bilong ol long Pralm Minista Palas Wingti wantaim 200 bisnisman husat i go wantaim em. Na long ralthan, dispela em wanpela bilong ol moa long 100 milien manmeri husat i salim ol samting bilong em long rot bilong biktaun bilong Indonesia long Jakarta. Em i mekim olsem bilong lukautim famill bilong em. *Poto: Dominic Kakas.*

**NEKS  
WIK:**

• Ol Nesenel  
Palamen  
kibung ripot

Sans bilong win: Ol Askim  
na bekim bilong Wantok

## Provinsal gavman hevi bai stap yet

GAVMAN i ken rausim ol provinsal gavman. Tasol dispela i no inap stapim hevi bilong ol sevis i no go hariap long ol pipel.

Odita Jenerel, Makena Geno i bin mekim dispela tok long Tunde, 16 Febueri taim em na ol opisa bilong Provinsal Afeas i bung na toktok wantaim Bai-patisen komiti.

"Long bipo, ol provinsal gavman i bin saspem bikos ol i paulim mani nabaut. Na opis bilong mi i painimaut olsem planti bilong ol i no gat gutpela rekot long soim we ol i yusim mani bilong ol. Olsem na gavman i ken rausim o saspenim ol provinsal gavman. Tasol em i no inap long stapim ol hevi nau i wok long kamap," Mista Geno i tok.

i go moa long pes 2

## ORO ASKIM OMBUDSMEN LONG SEKIM K30,000

MESERY GUBAG i raitim

... PAC painim olsem olpela memba yusim long amamasim ol Saina

PABLIK Akauns Komiti (PAC) i bin bung wantaim ol opisa bilong Oro provinsal gavman long toktok long 1989 mani ripot bilong ol long Tunde, 16 Febueri.

Na long dispela bung, PAC i painim olsem wanpela memba bilong ol, David Beu i bin paulim K30,000 aninit long Maina Trensport Program.

Komiti i harim olsem Mista Beu i bin askim long K30,000 bilong

wokim bris bilong sip long Manau.

Tasol bihain, ol i painim olsem Mista Beu i bin yusim dispela mani long kisim wanpela grup bilong Saina go raun long provins bilong em. Em i bin yusim K2,460 long baim helikopta na karim ol lain ya, K1,508.93 long yusim radio bilong helikopta, K2,620 long baim bil bilong degeesen ya husat i bin stap long Lamington Hotel, K7,022.64 long baim ka, K3,900 long baim ron bilong

balus, na K2,010 memba i kisim na yusim long laik bilong em na K1,733.06 long wok bilong dispela bris long Manau.

PAC i painimaut tu olsem mani bilong aut stesin long Afore Kes Opis inap long mak bilong K48,496.73 i bin lus. Na dipatmen i sasim dispela ol opisa husat i bin paulim mani ya. Insait long dispela K48,496.73 i bin lus, dipatmen i bin kisim bek

K2,606.93. Ol opisa husat i bin paulim mani ya nau i stap long kalabus.

Long dispela taim yet, komiti i bin harim olsem gavman i bin givim K80,000 i go long Oro provins aninit long nem bilong olpela nesenel memba, Benson Garui. Dispela mani i bilong rot projek long Afore i go long Itokama.

Dipatmen i no save long wanem

samting i kamap long dispela. Bikos mani ya i go stap long pasbuk bilong sampela lain. Na dipatmen i no kisim wanpela setifiket yet bilong soim olsem dispela rot projek bilong 1989 i pinis.

Olsem na nau Asisten Seketeri bilong Fainens na Plening, Mista Derari i raitim pas i go pinis long Ombudsmen Komisen long mekim wok painimaut long dispela.



# FREE

Bai kam klostu 'Bikpela Gem Nius' Olgeta W...  
FRI insait long olgeta Ragbi Lig Nius bilong W...



## HINO. BOS BILONG OL HAIWE.

**Hino**

## Ela Motors

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888  
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

EM 4190



# Ol Wom tok long banisim Wong Wong timba long wokim bris

OL papa bilong graun long Kep Wom eria long Is Sepik provins i tok pinis long stapim Wong Wong Timba Kampani Pty Limited

long katim diwai long Haiwain. Bikos em i wok long bagarapim bus na solwara bilong ol. Ol papa graun i salim

pinis wanpela pas i go long Dipatmen bilong Envairomen na Konsevesen na askim ol long lukluk long dispela samting. Ol i laikim tok

save long wanem kain bagarap bai kamap taim kampani i wokim wanpela bris long Wom.

Taim Wong Wong Pty Limited i wokim stadi long Hawain timba projek, em i no bin lukluk long bagarap long envaromen bris na rot bai kamapim.

Wom i stap long nambis na ol papa graun bilong dispela hap i no stap insait long agri-men bilong katim timba long Hawain. Tasol rot na bris i stap long graun bilong ol.

Kampani i save katim timba long Hawain Blok 1 Lokol Fores Atoriti, sampela kilomita insait long bus longwe long Wom. Tasol ol bai kisim ol diwai long rot i kam long bris long Wom na putim long

sip. Wom i wanpela Nesenel Pak em Dipatmen bilong Envairomen na Konsevesen, Nesenel Pak Sevis i tambuim long pilai na piknik. Namba tu seketeri

bilong Nesa Konsevesen wantaim Dipatmen bilong Envairomen na Konsevesen, Guy Kula i tok long nau yet i no gat gutpela toktok bilong painimaut long ol bagarap samting.

## Fainens minista bungim ol bisnisman

OL BISNISMAN i bin bung wantaim Deputi Praim Minista na minista bilong Fainens na Plening, Sir Julius Chan long asde, Februeri 17.

As bilong dispela bung em long kamapim gutpela toktok na wok namel long tupela grup long traim kirapim ekonomi. Long dispela bung, ol i bin toktok long planti samting olsem takis na 1993 baset.

Ol presiden bilong Mosbi Semba

ov Komes, Lae Semba ov Komes, Hagen Semba ov Komes na ol arapela bikipela bisnisman tu i bin stap long dispela bung.

Long bung, Sir Julius i tokim ol; "Mipela i givim yupela planti samting long helpim yupela i mekim bisnis bilong yupela i gro. Na nau samting i stap long han bilong yupela long mekim dispela.

## Nesenel kot rausim memba bilong Henganofi

### CLEMENT MIRIA I raitim

SITING memba bilong Henganofi, Viviso Seravo i no moa memba bilong palamen.

Nesenel Kot long Lae i rausim win bilong em bihain long kot i painim olsem em i bin kamapim sampela kain rong pasin long pretim ol pipel long votim em.

Jastis Hinchliffe, man husat i harim dispela kot bilong olpela

memba, John Giheno i tok Viviso i wokim ol man i pret olsem na em i win.

Kot i harim olsem long 14 Me taim ileksen i wok long ron yet, Viviso wantaim foapela man i bin draiv i go long ples Kofioka sampela pipel na pretim ol long sutim ol wantaim gan sapos ol i no votim Viviso.

Wanpela witnes i tokim kot olsem wanpela man i soim gan long ol lain manmeri na i tok "Sapos wanpela man o meri vot bilong em i go ausait na i no tromoi vot bilong em long Viviso Seravo, bai yupela kaikai gan."

Jastis Hinchliffe i tok i tru olsem, narapela man i mekim dispela tok pret tasol em i sapota bilong Viviso, na pret toktok bilong em i wokim Viviso i

win. I luk olsem bai i gat nupela ileksen long Henganofi open ilektoret.

Planti ol kain petisen olsem i bin kamap long ai bilong kot tasol kot i rausim o. Long wanem i no gat inap toktok bilong sapatim ol.

Tasol dispela bilong Viviso i namba wan long kot i rausim memba o man i putim petisen i winim.

## Zuanich kisim olgeta tok orait bilong pulim pis

### MESERY GUBAG I raitim

WANPELA bung i bin kamap namel long man husat bai wokim pis fektori long Madang Lawrence Zuanich, na Tred na Industri dipatmen long larim em tasol i pulim pis insait long solwara bilong Papua Niugini.

Long las wik Mande, 7 Februeri Mista Zuanich i bin kam long kantri na bung wantaim ol opisa bilong Tred na Industri. Na ol i kamapim tingting bilong senisim lo bilong ol ovasis sip husat i save pulim pis insait long solwara bilong PNG.

Aninit long lo nau, ol ovasis sip i ken pulim pis long PNG. Ol dispela sip i bilong ol kantri olsem Japan, Amerika, Korea na ol arapela.

Dispela senis nau bai larim ol sip bilong Mista Zuanich tasol long pulim pis long PNG. Na ol sip bilong arapela kantri husat i kisim tok orait bilong pulim pis long PNG i mas orait tu long mekim sampela samting.

Dispela ol samting em olsem. Ol dispela sip i mas kam sua long ol bris bilong ol provins long PNG. Na ol i mas baim kaikai na bensin insait long kantri.

Sapos ol i mekim dispela, ol i ken pulim pis insait long ol solwara bilong PNG. Ol i wanbel olsem

kampani bilong Mista Zuanich tasol i ken pulim pis hia bikos em bai gat fektori antap long graun bilong PNG.

Ol opisa bilong Tred na Industri nau i wok long dispela senis. Na taim ol i pinisim, minista David Mai bai bringim i go long paiamen long kisim tok orait bilong ol memba long dispela senis.

Long nau yet, olgeta wok long dispela Z pis fektori long Madang i ran gut. Na long mun Mas samting bai ol i putim tok save long ol kampani long go stretim ples, wokim bris na sanapim fektori.

Na long mun Me, olgeta wok bai go het. Bihain long dispela, kampani bai stat long pulim pis.

## Ol Sawarin givim 30 de long gavman na Wotabod

### FRANCIS ULIAU I raitim

OL papa graun bilong ples Sawarin long Wewak, Is Sepik provins i laikim nesanel gavman na Wotabod long Wewak i givim ol K200,000 pastaim long namel bilong narapela mun.

Dispela mani em olsem kompensesen long hap graun em bikipela teng wara i sanap long en. Long dispela mani, K100,000 i bilong pam stesin na narapela K100,000 i bilong bikipela teng.

Na dispela ol askim bilong ol i stap insait long wanpela askim pepa em ol bai givim long provinsi seketeri, Vin-


cent Maragau na Wotabod long Fraide, 19 Februeri.

Ol papa graun i bin mekim olsem bihain long Wotabod i pasim wara i go long Boram haus sik bikos ol i no baim dinau bilong ol. Na tu ol papa graun i ting dispela samting i stap longpela taim tumas na ol i mas mekim sampela samting nau.

Olsem na long Trinde, 10 Februeri, ol i bin holim wanpela kibung na pasim toktok long mekim olsem.

Kodineta bilong ol dispela kibung, Michael Malenki i tok ol i givim pinis tok save pepa bilong wanem samting ol i laikim long Mande, 15

i go moa long pes 4



Raskol katim han...Long Sande nait long Gerehu long Mosbi, ol raskol i bin brukim wanpela 24 awa stua na laikim bla. Taim papa bilong stua i tok olsem i no gat bla, ol i kirap na katim han bilong em olsem long poto. Man ol i katim han bilong em i bilong Wabag long Enga provins. Poto: Leo Eko.



# WANTOK

NIUSPEPA BILONG OL PAPUA NIUGINI STREET

## Palamen kibung kamap gen

Narapela kibung bilong palamen bai stat long Tunde.

Insait long sotpela taim tasol nupela gavman i kisim opis i kam, planti kain kain samting na senis i kamap. Sampela i gutpela, ol narapela i wokim ol pipel i paul na sampela i no gutpela tumas.

Long namba wan de bilong kibung, planti toktok bilong dispela de bai sut long wok bilong gavman. Ol ripot bilong ol kain kain han bilong gavman na wok bilong provinsal gavman saspensen komiti bai kamap. Ol narapela ripot bai toktok long wok bilong ol main long kantri, wok bilong PNGBC na ol arapela samting olsem.

Tasol abrusim olgeta em toktok bilong ol provinsal gavman em NEC i saspensim pinis. Ripot na toktok bilong ol dispela bai kamap.


Mipela tingting na hop tasol olsem wanpela man long plua bilong Palamen bai inap askim as tru bilong rausim wok bilong olgeta dispela provinsal gavman olsem. Wanpela o tupela i orait, tasol bilong wanem klostu olgeta wantaim. No gat wanpela gavman long bipo i bin mekim olsem, dispela em i namba wan taim.

Sapos sampela tokwin i tru, dispela em i no rot bilong bagarapim ol provinsal gavman i go na rausim olgeta. Bikos kain pasin olsem i no inap wok insait long PNG sosaiti. Olsem na ol memba i mas tingting gut na toktok long hevi ol pipel i painim na i no long laik bilong ol yet.

## Wokabaut bilong ol memba long Palamen: hap 2

### MESERY GUBAG i raitim

SAMPELA stori gen bilong foapela provinsal memba long Nesenel Palamen.



Nem: Francis Koimanrea  
Ilektret: Is Nu Briten Provinsal  
Krismas: 38 yia  
Pati: Indipenden

Mista Koimanrea em Helt minista insait long gavman. Em i bin skul i go inap long mak bilong gret 12. Na long 1976 i go inap long 1980, em i bin wok long Takis opis. Pastaim long em kamap nesenel memba long las yia, em i bin wanpela memba bilong Is Nu Briten provinsal asembli.

bilong em long Yunivesiti bilong Papua Niugini. Na em i kisim namba tri digri ol i kolim Mastas Digri long wok Ekonomik long yunivesiti long Australia ol i kolim olsem Australia Nesenel Yunivesiti.

Na em i bin wanpela tisa long Edministretiv Koles long Mosbi. Long 1984, em i resis long provinsal ileksen long Simbu na win. Na em i bin kamap primia. Em i holim dispela wok inap long las yia taim em i resis long nesenel ileksen na winim sia bilong Simbu provinsal. Mista Mai i save laik lukim ol pilai ragbi lig.




Nem: Arnold Marsipal  
Ilektret: Manus Provinsal  
Krismas: 51  
Pati: Pangu  
Lotu: Katolik.

Mista Marsipal i marit na i gat foapela pikinini. Em i bin statim wok politik long 1982. Na long dispela taim i kam inap nau, em i bin holim kain kain wok olsem CIS minista, Difens minista, Asisten Spika na Leba na Emploimen minista.

Taim em i no kamap wanpela memba yet, em i save ranim bisnis bilong em olsem wanpela kontrakta long Manus.

Nem: John Momis (Pater)  
Ilektret: Not Solomons Provinsal



Krismas: 51 yia  
Pati: Melanesian Alliance (MA)  
Lotu: Katolik.

Memba bilong Not

## Ol Sawarin givim 30 de long gavman na Wotabod

i kam long pes 3 Februari. Na taim ol i givim askim pepa long Fraide, ol bai tokim tu nesenel gavman na Wotabod long givim ol bekim insait long 30 de. Bihain long dispela bai narapela samting i kamap.

Long askim pepa i gat 4-pela bikpela samting ol i laikim. Ol dispela samting em:

- K200,000 bilong pam stesin na teng wara;
- nesenel gavman na Wotabod i mas wokim 200 haus bilong ol papa graun long ol ples long Sawarin; na
- 30 pesen skel bilong mani em Wotabod i kisim long fi bilong wara i mas go long ol papa graun.

Sapos dispela i no kamap, ol papa graun i laikim olsem:

- Wotabod i mas baim 30 pesen lis long graun em pam stesin na teng i sindaun long en;
- ol haus sik, edpos na klinik insait long Wewak taun i no

Solomons Provinsal i bin kamap wanpela pater long 1970 bihain long em i pinisim skul long Bomana Semineri long Mosbi. Long dispela yia, em i bin go wok tisa long Sen Xaviers haiskul long Is Sepik. Long 1971 taim em i go stap long Bogenvil, em i bin statim wok politik. Em i stap insait long komiti husat i bin kamapim mama lo bilong kantri.

Long 1985, em i bin kamap deputi praim minista. Na long olgeta ileksen i kam inap nau, em i stap yet long Palamen olsem provinsal memba bilong Bogenvil. Em tasol i bin kamapim dispela tingting bilong kirapim ol provinsal gavman long 1976.

ken baim ol wara em ol i kisim. Na wankain tu longol komyuniti na haiskul insait long Wewak; na

- hap mani bilong wara em Wotabod i kisim i mas go long Wewak Taun Komisen bilong helpim em long wok bilong developim taun eria.

Mista Malenki i tok ol papa graun i no amamas tumas long wanem samting nesenel gavman i wok long mekim long mani em ol i kisim long Is Sepik.

"I luk olsem ol i no tingting long helpim na kirapim dispela provins. Mani ol i kisim long hia i wok long go long helpim ol arapela provins. Na olsem wanem long mipela ol Sepik," Mista Malenki i tok.

Em i skruim tok olsem, "Mipela i gat rispek long gavman na Wotabod. Olsem na mipela i laikim ol i kamap na stretim toktok.

"Sapos no gat bekim bihain long 30 de, bai narapela samting i kamap," Mista Malenki i tok.

# WANTOK

NIUSPEPA BILONG OL PAPUA NIUGINI STREET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00



## Komiti redim nupela senis bilong palamen

### MESERY GUBAG i raitim

BAI-PATISEN Komiti bai givim wanpela submisen long kamapim nupela senis long we bilong makim ol lida bilong provins long bung bilong palamen long neks wik Tunde, 23 Februari.

Siaman bilong komiti, Ben Micah i tok ol i kamapim dispela tingting bihain long ol i go raun long ol provins insait long kantri.

Na toktok wantaim ol pipel long gutpela rot bilong ranim ol provins. Na tu long rot ol pipel inap long kisim sevis bilong gavman hariap. Em i tok ol i painimaut olsem ol provinsal gavman i save lukautim o ranim ol lokol gavman.

"Komiti i painimaut olsem ol lokol gavman i save stap bihainim ol polisi na tingting bilong ol provinsal gavman. Olgeta pawa bilong ol i save

kam long ol provinsal gavman tasol. Lo i tok olsem ol provinsal gavman i ken mekim ol lokol gavman. Tasol planti bilong ol i no mekim dispela.

"Mipela i lukim dispela na mipela i ting olsem dispela i mas senis. Nesenel gavman i mas gat pawa bilong kirapim ol lokol gavman na givim pawa long ol long wok," Mista Micah i tok.

Submisen bilong komiti bai toktok long tupela rot bilong makim ol lida. Wanpela em we ol pipel yet bai makim ol lida bilong ol. Na narapela em ol bikman bilong ples bai kamap ol lida insait long ol lokol gavman.

Na ol pipel yet bai makim wanem rot ol i laik long yusim long makim ol lida bilong ol. Dispela bai givim sans long ol pipel long bihainim kastom pasin.

Moa ripot bilong Palamen kibung long neks wik





# Wes Nu Briten laik lusim Ailan Rijonal Sekreteriet

**STEVEN KADIKO i raitim**

WES Nu Briten provinsal gavman i laik lusim Ailans Rijonal Sekreteriet (IRS).

Primia Bernard Vogae i bin tokaut long dispela long Trinde, 10 Februeri long wanpela asembli bung. Em i mekim dispela tok tok

bihain long wanpela tok save bilong provinsal seketeri Charles Rukuva.

Mista Rukuva i tokaut olsem progrem bilong kisim toktok karamapim lo bilong ol lida bai wet liklik sapos loya bilong Ailans Rijonal Sekreteriet i no go long Kimbe long Fraide, Februeri 12.

IRS i wanpela grup em olgeta provinsal gavman long Niugini

Ailan rijon i memba long en. Wok bilong IRS em long makim maus bilong ol Niugini Ailan provinsal gavman long ol samting i kamap insait long hap bilong ol o long kantri.

Mista Vogae i tok IRS i no tingim ol. Na i wok long lukluk na wok tasol long Is Nu Briten na ol arapela Niugini Ailan provins.

Em i tok Wes Nu Briten i save

givism planti helpim long IRS long sait bilong mani long olgeta yia.

"Long tingting bilong mi, mi save olsem Wes Nu Briten i westim nating mani long helpim wok bilong IRS. Bikos em i no save kisim wanpela helpim long ol.

"Sapos as tingting bilong IRS em long givism tingting na helpim long ol provinsal gavman long Ailan rijon, mi no save long wanem as

tru ol i no givism sevis long ol arapela provins. Gavman bilong mi nau i tingting planti sapos mipela bai wokbung wantaim ol o nogat.

"I luk olsem IRS i wok tasol wantaim Is Nu Briten gavman. Na lus tingting long ol arapela provins long rijon," Mista Vogae i tok.

Em i tok dispela i no namba wantaim em IRS i no givism helpim long Wes Nu Briten gavman long sait bilong lo.

## Moa senis kamap long Enga dipatmen

BIKPELA senis insait long Dipatmen bilong Enga na tu long Enga provinsal kabinet i wok long kamap yet.

Long tupela wik i go pinis, Primia Daniel Tindiwi i bin rausim Seketeri Luke Kembol na putim Phillip Kikala olsem ekting Seketeri.

Wantok Niuspepa i kisim wanpela ripot aste olsem Praim Minista Paias Wingti i luksave long dispela senis na wantaim tok orait bilong Nesenel Eksekutiv Kaunsil, em i makim Kikala olsem Seketeri bilong Enga.

Ol i wetim tasol Kikala long sainim sampela pepa pastaim long em i ken stat wok.

Na nau em i stap long opis bilong Seketeri na givim ol oda yet.

Wanpela ripot long aste i tok olsem Kembol i kamapim pinis sampela senis long foapela asisten seketeri bilong sampela dipatmen long Enga.

## Nem politisen dai long Madang

**PIUS IKUMA i raitim**

WANPELA bikman na olupela primia bilong Madang, Max Moeder i bin dai long Sande, 14 Februeri.

Mista Moeder i bin holim wok olsem memba bilong Madang taun konstituensi long provinsal asembli taim em i dai long haus bilong em long Kalibobo.

Em i marit na i gat tripela pikinini, Marina husat i gat 19 krismas, Maxwell 18 yia na Caroline 7-pela krismas.

Mista Moeder i bin laikim wok politik long 1967 long Rabaul na Buka taim em i gat 14 krismas tasol. Na wok

bilong em tru long politik i stat long 1974 taim em i go insait long Madang taun kaunsil. Long 1979, em i resis long provinsal ileksen na win.

Orait long 1984, em i winim gen sia bilong Madang taun konstituensi. Na kamap olsem namba tu primia bilong Madang bihain long Sir Bato Bultin.

Mista Moeder i stap wok olsem primia long 1984 i go inap long 1986 taim oposisen i rausim em long wanpela vot i nogat bilip.

Long 1989, Mista Moeder i winim gen sia bilong Madang taun konstituensi na bosim ol lain bilong oposisen long gavman bilong Ariako.

Long olgeta wok bilong em, Mista Moeder i bin wanpela man tru bilong wok oltaim long bringim sevis i go long ol pipel insait long taun na ol ples nabaut.

## Wes Sepik lida laikim wokbung

TUPELA minista bilong Sandaun provinsal asembli, Ulivian Ameneng na Bob Talis i askim ol kendidet husat i lus long wokbung wantaim ol provinsal memba long Wes Sepik.

Tupela i mekim ol dispela toktok taim ol i tenkim ol sapota bilong ol.

Mista Ameneng em wanpela olupela politisen insait long Sandaun provinsal asembli. Na em i winim moa long 10-pela yia pinis long wok politik.

Mista Ameneng nau i holim wok olsem Helt minista insait long gavman bilong Primia Peien Aloitch.

Em i tok, "Oksapmin i no bin kisim gutpela sevis long ol gavman bilong bipo. Na nau mi laikim ol pipel na komyuniti lida long wok klostu wantaim mi long kamapim sampela senis."

Memba bilong Wutung/Onei, Bob Talis tu i mekim wankain toktok.

## Bakani bel hevi long ol memba

**STEVEN KADIKO i raitim**

PROVINSAL memba bilong Kimbe taun, Gabriel Bakani i tokaut pinis olsem em i bel hevi long pasin sampela memba i wokim taim ol i makim nupela primia bilong Wes Nu Briten long Trinde las wik.

Bihain tasol long ol i makim Bernard Vogae olsem primia, Mista Bakani i tok pasin ol sampela memba i wokim i soim olsem ol i gridi na i bagarapim em.

Dispela toktok bilong Mista Bakani i kamap bihain long tripela memba bilong em i lusim em na i go joinim Vogae. Na givim tu Vogae namba long kamap primia.

Long taim ol provinsal memba i sandaun long makim nupela primia long Trinde, Mista Bakani i bin gat 13 memba na Mista Vogae i bin gat 11-pela.

Bihain, tripela memba Elias Batari, Lucas Amon na Robert Lawrence i kalap lusim kem bilong Bakani na go joinim Mista Vogae. Mekim na Bakani i lus.

Mista Bakani i tok tu olsem pasin ol i wokim i soim olsem ol dispela lain memba i soim pasin bilong ol pikinini na ol i no save gut long wok politik.

Tasol Bakani i salim pinis tok amamas bilong em i go long Mista Vogae. Na em i askim em tu long holim wok bilong primia long gutpela pasin na kamapim gutpela gavman bai ol pipel bilong Wes Nu Briten i ken kisim gutpela sevis.



**Nupela Madang haus sik...Ol bikpela masin ya i wok long brukim graun na stretim ples bilong nupela Madang haus sik. Olgeta wok i bin stat long las wik Mande. Planti senis i wok long kamap nau long Madang. Foto: Ben Taumai.**



**Traipela  
Moni ikam  
klostu nau**



*Bikhet long Saut Afrika...* Wanpela draiva bilong teksi long Johannesbeg long Saut Afrika i laik bikhet na dispela plisdok i kalap antap long em. Blkpela pait na trabel i bin kamap bihain long plis i tromol smok bom long ol lain husat i bung long lukim ol teksi draiva i protes. Ripot i tok long dispela taim, ol teksi draiva i bin kukim tupela bas na wanpela plis ka. Na 10-pela man wantaim 7-pela plisman i kisim bagarap. Tripela man i dai.

## Sem bilong bagarapim meri kamap long Bosnia

BIKPELA pait namel long ol grup long Bosnia i bin kamapim kain kain hevi.

Planti man, meri na pikinini i dai, ol samting i bagarap, bikpela bel sori na wari i kamap na kain kain arapela samting.

Tasol insait long olgeta dispela hevi, wanpela narapela bikpela

hevi tru i kamap. Ol lain komiti bilong Yuropien Komyuniti (EC) tu i mekim ol wok painimaut na redim sampela ripot pinis.

Long dispela stori, Linda Grant bilong *International Herald Tribune* niuspepa i lukluk long wanem samting i mekim na planti meri i gat bel klostu

long dispela ples bilong pait.


Long las mun tasol i kam, kain kain toktok i bin kamap long wanem kain samting i save kamap long ol meri long ol haus kalabus, haus pamuk na ol narapela ples bilong bagarapim meri. Long olgeta dispela hap, stori i save stap olsem

dispela i kamap bilong klinim ples.

Long las wik tasol, ol lain bilong EC i bin sindaun bilong skelim wanpela ripot olsem ol meri husat ol man i save bagarapim na i gat bel, dispela ol lain i no gat sans bilong traim rausim o kilim pikinini. Long wanem, ol man husat i mekim dispela i save kalabusim ol i stap inap taim ol i save olsem bai i no gat moa sans bilong rausim pikinini.

Long Kroasia, lo inap larim meri i kilim pikinini taim kiau i no winim 12-pela wik yet. Na long Bosnia em 10-pela wik.

Dispela ripot i tok tu olsem namba bilong ol meri em ol man i bagarapim insait long taim bilong woa long Bosnia i go antap,





*Redi long pundaun...* Dispela bikpela banis bilong stapim wara i redi tasol long bruk long Kroasia. Ol lain ami bilong Sebja i bin bomim dispela bikpela banis wara taim ol i wok long ranawe long ol lain Kroasia. Na sapos dispela banis wara i bruk, 20,000 pipel husat i stap daunbilo bal kisim taim. Ol i save yusim tu wara long dispela banis bilong kamapim pawa sapia.



*Amamas long bung gen...* Liklik pikinini Farrah Qull long namel wantaim papa na mama bilong em i amamas bihain long em i winim wanpela krismas. Wanpela meri husat i bin glaman olsem em i save lukautim ol pikinini taim ol papamama i go wok i bin stillim Farrah na kisim em i go long kantri Allan. Tasol ol i painim i go na kisim Farrah i kam bek gen.



• Tupela meri bilong ol lain Muslim husat ol man i bin bagarapim. Ol narapela i haltim toktok na i no tokaut long wanpela samting.



*Indai long bros...* Kepten bilong kriket tim bilong Pakistan, Imran Khan i amamas wantaim ol wanpilala bilong em bihain long ol i winim Ingliana na fainal bilong Wol Kap long Australia las yla.



# YU NO INAP WINIM TOYOTA HILUX

Dispela kar tasol em i bikpela na strongpela 1 tonne 4 wil draiv kar insait long Papua Niugini nau. Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap bilong Papua Niugini i sapatim dispela nupela kar.

## Ela Motors

NAMBAWAN LONG  
PAPUA NIUGINI

- PORT MORESBY 229400
- LAE 433655
- RABAUL 921988
- MADANG 822188
- GOROKA 721844
- MT HAGEN 521888
- WEWAK 862255
- KAVIENG 942132
- KIMBE 935155
- TABUBIL 589060
- VANIMO 871254
- PORGERA 579367



EM 4249

## Kas bilong tupela boi Bogia

1993 EM i wanpela yia tupela yangpela boi bilong Bogia distrik long Madang provins i no inap lus tingting long laip bilong tupela.

Bikos dispela em i namba wan yia bilong tupela long lusim papamama wantaim famili, ples, provins, na kantri long go skul long ovasis.

Nem bilong tupela em Robert Naguri na Sterling Iru. Yangpela Naguri i gat 18 krismas, na i bilong ples Ikemen long Mikarew. Iru i gat 16 krismas, na i bilong ples Igos. Tupela wantaim i bin pinisim gret 10 long nupela Holi Spirit haikul long Bogia.

Long pinis bilong mun Januери tupela i lusim Jackson's ples balus long Mosbi, na go long Australia long skul. Dispela em long wanpela skolasip ol i kolim Sekendri Skul Studen projek. 504 studen bilong kain kain

hap long PNG i stap insait long dispela projek.

Bilong wanem na tupela boi Bogia i laik lusim ples bilong tupela long rurel eria tru na i laik go long ples bilong ol waitman we tupela i save ritim tasol long buk, na harim stori long en. Wanpela ansa tasol em long painim save, na kism gutpela wok, long helpim tupela yet long bihain taim, wantaim famili bilong tupela na ples.

Taim tupela i wokim Gret 10 eksam pinis na malolo i stap long ples, toksave i kam long haikul olsem tupela i winim sans bilong go skul long Australia. Taim tupela i harim olsem, tupela wantaim i amamas stret. Tasol insait long tingting bilong tupela, tupela i bin pret liklik o tingting planti long wanem kain salens i go moa long pes 12



• Sterling Iru (lephan) na Robert Naguri (raitthan) wantaim Richard Tuka bilong Tusbab haikul long namel. Ol i bung wantaim ol arapela PNG studen long Mosbi Insevis Koles long namel bilong mun Januери, pastaim long ol i go long Australia.

## Sekim pastaim ol praivet skul

SAMPELA gret 6 na 10 pikinini i no laki long skruim o pinisim skul bilong ol. Olsem na long stat bilong dispela skul yia, planti papamama i painim ol arapela rot nau bilong ol dispela pikinini long skruim gret 7 na 11 bilong ol dispela pikinini.

Dispela ripot i laik traим long helpim ol papamama husat i laikim pikinini i pinisim gut skul long kism moa save. Ol skul ol i laikim ol pikinini long skul ating i bilong painim wok, o skruim skul bilong kism bikpela wok. Ol papamama i mas save long skul bilong kantri i ran olsem wanem. Bikos dispela bai helpim ol long mekim stretpela tokorait long helpim ol pikinini.

### Nesnel Edukesen Sistem

1. Nesnel Edukesen Sistem i gat ol rejista Membas skul. Ol tisa husat i tis long ol dispela skul i kism trening, na i save tisim gut ol pikinini. Ol dispela tisa i wok aninit long Tising Sevis Komisen.

2. (i) Ol Mema skul.

Dispela em ol gavman skul wantaim planti skul bilong ol sios, husat i rejista wantaim Nesnel Edukesen Sistem bihainim Nesnel Curriculum em Nesnel Edukesen Bod (NEB) i oraitim.

(ii) I gat sampela skul husat i rejista aninit long Nesnel Edukesen Sistem, na i kam aninit long nem Pemitid skul. Hia em we yu ken luksave long Mema skul, na rejista Pemitid skul:

(a) Planti tisa husat i tis long ol rejista Pemitid skul em ol save tisa. Ol i gat pepa bilong tisim ol pikinini. Tasol ol i no memba bilong Nesnel Tising Sevis, olsem tisa bilong ol SDA skul. Tasol ol dispela skul i

yusim wankain Nesnel curriculum em Nesnel Edukesen Sistem i yusim.

Ol tisa husat i tis long ol pemitid skul em Nesnel Insepka i save sekim wok bilong ol. Na studen bilong ol dispela tisa i save sindaun long wankain Nesnel gret 6 na gret 10 Eksaminesen olsem studen bilong ol Mema skul.

(b) I gat sampela Pemitid skul we i wok insait long kantri tasol ating ol i no yusim Nesnel curriculum em NEB i oraitim. Curriculum em ol kos Edukesen dipatmen i oraitim ol skul long lainim ol pikinini. Ol dispela skul i yusim curriculum bilong ol yet.

## Palamen spika sapatim praivet skul long Mosbi

SPIKA bilong Palamen, Bill Skate i sapatim na mekim gutpela toktok long wanpela praivet skul insait long Mosbi. Wanpela tisa bilong Pasifik Adventis Koles ausait long Mosbi long 1990, John Clarke i save lainim ol pikinini long dispela skul.

Dispela skul bilong kirapim na kosing progrem bilong ol pikinini.

Mista Skate i gat tripela pikinini bilong em i kamap long ol skul bilong John Clarke. Nem

## Hetmasta no ken rausim ol gret 7 na gret 8 pikinini husat no baim skul fi

HETMASTA na hetmistres bilong ol provinsal haikul i no ken rausim ol pikinini husat em papamama i no baim skul fi.

Dispela tok save i kam long seketeri bilong Edukesen, Jerry Tetaga.

Mista Tetaga i salim strongpela tok save pinis i go long ol hetmasta na hetmistres bilong ol haikul insait long kantri. Dispela tok save i stap insait long wanpela leta bilong 13, Januери 1993.

Leta i askim olgeta hetmasta na hetmistres bilong ol provinsal haikul long wok aninit long Ministeriel Polisi Stetmen Namba 3/91, na Tok save bilong Seketeri bilong Edukesen (Seketeri Sekula Namba 42/92) we i toktok long skul fi bilong ol gret 7 na gret 8 long 1993.

Tok save bilong Seketeri bilong Edukesen i go long ol skul i tok skul fi bilong ol pikinini husat i wokim gret 7 na gret 8 long Mema sekenderi skul em Nesnel Gavman bai baim ful fi. Ol pikinini long gret 9 i go antap long gret 12 em gavman bai baim hap tasol olsem K150 long wan wan pikinini.

Seketeri i tok save long ol provinsal haikul olsem hap mani inap olsem K150 bilong wan wan gret 7

na gret 8 pikinini em gavman i redim pinis.


Hap mani gavman bai baim long namel bilong yia.

Dispela em i olsem sapos wanpela pikinini i wokim gret 7 o tret 8,

na tu em i slip long skul, na skul i sasim em K400, gavman bai baim K150 nau long stat bilong skul yia. Hap mani olsem K250 em gavman bai baim bihain long namel

bilong yia.

Skul fi olsem K150 bilong wan wan pikinini husat i wokim gret 9 i go antap long gret 12, em gavman bai baim long stat bilong skul yia.



Skul i stat..Ol tisa bilong Kiunga haikul i lukim wanem taim bilong ol long go bek wok na raitim i go insait long buk bilong ol. Ol bai bihainim dispela ol taim long tisim ol wan wan kos long ol wan wan gret long skul bilong ol. I gat 26 tisa long Kiunga haikul. Tupela moa bai kam long bringim namba i go antap long 28 tisa. Na dispela ol 28 tisa bai skulim moa long 600 studen long hap. Foto: Ian Kakarere.

## Gavman brukim mani bilong fri edukesen olsem

TAIM gavman i stat toktok long fri edukesen, planti papamama, ol memba bilong Menesmen Bod, Gavning Bod bilong ol haikul, na tu sampela Provinsal Edukesen Bod i no bilip olsem dispela fri edukesen polisi bilong gavman inap wok. Planti manmeri i gat tubel long dispela polisi.

I tru planti i no bilip long gavman tasol, planti tu i amamas long gavman. Long wanem dispela em i namba wan taim tru long wanpela gamvman i kamapim fri edukesen insait long Papua Niugini.

Gavman aninit long Dipatmen bilong Edukesen bai karim dispela wok bilong fri edukesen, na mekim i kamap.

Gavman i givim mani olsem K20.5 milien i go long wok bilong fri edukesen. Dispela mani i bilong baim skul fi bilong ol Tokples Pri Skul, Komyuniti skul, Vokesinel Senta, na bilong helpim ol pikinini i skul wantaim Koles ov Disten Edukesen (CODE).

Dispela mani dipatment i tilim i bihainim namba bilong ol pikinini i skul long wanwan provins.

**Tebol 1: Hamas mani i go long wanwan provins**

Provins	Mani (K000)
Western	374,115

Galp	425,304
Sentrel	1,025,010
Milen Be	649,298
Oro	529,445
Sauten Hailans	946, 818
Isten Hailans	1,448,150
Simbu	1,003,352
Westen Hailans	1,341,600
Wes Sepik	937,802
Is Sepik	1,497,531
Madang	1,502,598
Morobe	1,903,352
Wes Nu Briten	671,245
Is Nu Briten	1,404,406
Nu Ailan	380,175
Not Solomon	246,494
Manus	363,314
NCD	2,234,230
Enga	846,314
Kiunga Lek Murray	243,481

**OLGETA MANI:**

**20,220,528**

Tupela provins, Madang na Wes Nu Briten bai kism liklik mani moa antap long dispela mani gav i go moa long pes 12

bilong ol dispela pikinini Anna husat i mekim gret 10, Konjo husat i mekim gret 9, na William Junior husat i mekim gret 5.

Mista Skate i tok ol pikinini bilong em i kism bikpela helpim long ol skul na kosing progrem bilong John Clarke. Mista Skate i amamas tu long lukim ol tripela pikinini senisim rabis pasin, na kamap gutpela.


Ol studen bilong olgeta hap bilong kantri, wan-

taim ol PNG studen husat i skul long Australia na holide long Mosbi i joinim ol Komyuniti na haikul studen bilong Mosbi, na stap insait long Januери 1993 skul bilong John Clarke.

Skul bilong kirapim tingting na kosim progrem em bilong testim gen ol Komyuniti na haikul studen. Tupela namba wan kos ol studen i lainim em Inglis na Metimetik.

# THREE FUN TIME

Enjoy



# Fanta

TRADE MARK REGD.

## FLAVOURS



*a product of The Coca-Cola Company*

**RASPBERRY**

**ORANGE**

**PINEAPPLE**



# Bikpela lain studen moa greduet long Divine Word

RODNEY KAMUS i raitim

SEVENTI TU (72) studen bilong Divine Word Institute long Madang i bin greduet long Fraide, 5 Februeri.

Ol i greduet bihain long ol i pinisim gret 12 bilong ol. Long stori bilong skul ya, dispela grup em bikpela lain tru long winim gret 12.

Greduesen i bin stat wantaim bikpela lotu.

Na bihain, ol studen i go sainim nem bilong ol long buk bilong rejista. Dispela i soim olsem ol i ken go na mekim ol diploma kos long Divine Word Institute yet o long ol yunivesiti na koles insait long kantri.


Presiden bilong skul, Pater Jurgen Ommerborn i tok dispela em i

namba wan taim tru bilong wanpela bikpela studen grup long kisim pepa bilong ol. Bikos long ol arapela yia i go pinis, i no bin gat planti lain olsem.

Olgeta studen nau bai skul gen long ol diploma program bilong Divine Word Institute. Skul i save givim tripela diploma program. Na ol program ya em Bisnis Stadis, Komyunikesen Ats na Liberel Ats.

Planti bilong ol i go insait long skul bilong bisnis. Ol arapela i kisim liberel ats na 6-pela i kisim komyunikesen ats.

Man husat i bin givim setifiket i go long ol studen ya em James Sengodon. Na em i wok wantaim Komisen bilong Haia Edukesen long Mosbi. Bos bilong skul, Pater Jurgen Ommerborn yet i go pas long wokim lotu.



• Matrikulesen studen Radding Gabb i sainim buk bilong rejista na presiden bilong Divine Word Institute, Pater Ommerborn i lukluk long sait.

## Nupela polisi mekim moa pikinini go skul

LONG dispela yia, nesanel dipatmen bilong Edukesen i lukim olsem namba bilong ol pikinini husat i stat skul long gret 1 bai winim 100,000.

Dispela namba i no karamapim ol pikinini i skul long Prep klas.

Long ol provinsal haiskul, dipatmen i lukim olsem 18,000 pikinini bai i go skul long gret 7 long dispela yia.

Na tu bai i gat moa long 600 pikinini moa long Madang na Wes Nu Briten i wokim gret 7 long praimer skul long namba wan taim. Dispela i apim namba bilong olgeta pikinini i wokim gret 7 long 1993 i go antap olsem 18,600.

Namba bilong ol pikinini wokim gret 11 long 1993 i stap olsem 1,000.

Sekenderi skul long Madang provins i kisim 60 gret 11 pikinini, na wankain tasol long Hoskins haiskul bai kisim 60 pikinini long gret 11. Putim

dispela olgeta i kamap olsem 1,120 pikinini olgeta bai wokim gret 11 long 1993.

Long dispela yia, 200 pikinini bai i go skul long Australia long ovasis haiskul skolasip program.

Gavman i gat tingting olsem long yia 1994 na i go em bai makim wanwan haiskul long wanwan provins long kamap olsem sekenderi skul long kisim gret 11 na 12 studen.

Gavman i laikim olsem tripela kain sekenderi skul i mas kamap stat long 1994 i go inap long yia 2,000. Bipo yia 2,000 i pinis, gavman i laikim olgeta olgeta olgeta provins mas i gat wanpela Sekenderi skul bilong ol yet long kisim gret 11 na 12 studen.

Gavman i strongim dispela tingting long mekim kamap namba bilong ol pikinini i wokim gret 12 i go kamap olsem 5,000 long olgeta yia bihain long yia 2,000.

## Morehead haiskul go het wantaim K355,000

PLANTI toktok i bin kamap bipo long wokim nupela Morehead haiskul long Westen provins. Dispela toktok bai karim kaikai nau, bihain long Flai Riva provinsal gavman baset i redim K355,000 long statim ol wok.

Minista bilong Envaironmen na Konsevesen na Memba bilong Saut Flai, Parry Zeipi i bin tokaut long dispela.

Mista Zeipi i tok taim namba wan baset i kam bilong em long lukim pastaim long Nesenel Eksekutiv Kaunsil (NEC) i glasim na oraitim, em i no luk-

save. Bikos em i tok i no gat mani bilong 1993 baset i go long wokim Morehead haiskul.

Olsem na Mista Zeipi i laikim mani mas go long dispela projek, pastaim long baset i go long NEC long oraitim.

Em i tok em i amamas long Westen provins Dipatmen long bihainim toktok bilong em, na redim mani bilong wokim Morehead hasiskul insait long dispela baset.

Mista Zeipi i tokim ol pipel bilong Morehead olsem em yet bai wok hat long lukim olsem wok long nupela Morehead haiskul i pinis

long dispela yia. Na ol skul i mas kisim ol namba wan lain studen long 1994, sapos olgeta samting i go stret.

Mista Zeipi i tok em i paitim toktok moa wantaim Provinsal Afeas na Viles Sevises minista, John Nilkare long oraitim K400,000 bilong kamapim skul, na semtaim nesanel gavman bai helpim tu aninit long Nesenel Gavman Haiskul Sapot Program long 1994.

Tasol Mista Zeipi i no amamas long sampela mani em i bin paul. Ol dispela mani em nesanel gavman i bin givim long 1986 na 1987.



Sandaun pawa...Nupela primia bilong Wes Sepik, Pelen Aloitch long namel wantaim ol kabinet minista bilong em na Spika, John Wo'otong. Nupela gavman bilong Primia Aloitch i promis long wokbung wantaim ol pipel moa. Foto: Felix Ramram.

## Mani bilong fri edukesen go olsem wanem

i kam long pes 10 man i givim.

Madang bai kisim K67,200 na Wes Nu Briten bai kisim K27,200. Bikos dispela tupela provins gavman i stat long dispela nupela senis long statim gret 7 na 8 long praimer skul. Long Madang bai i gat 7-pela praimer skul i stat long kisim ol gret 7 long 1993, na long Wes Nu Briten tupela

praimer skul bai stat kisim ol gret 7 studen.

Tebol 2 i soim we gavman i tilim mani i go long kankain skul long kantril. Taim Edukesen dipatmen i tilim mani i go long olgeta level bilong skul. Ditatmen i holim bek K8,300 bilong helpim em yet long karimaut dispela wok bilong fri edukesen.

Tebol 2: Namba bilong mani i go long kain level bilong skul

Tebol 2: Namba bilong mani i go long kain level bilong skul

Level bilong Skul	Namba bilong pikinini	Mani (K000)
Elementeri/Tokples	25,000	125,000
Komyuniti Skul	443,969	8,486,646
Gret 7 Praimeri Skul	628	94,200
Provinsal haiskul	57,855	8,677,950
Nesenel haiskul	2,120	318,000
Vokesinel senta	9,249	1,043,100
CODE4	1,089	1,648,560
Pemited Sku	11,346	144,445
<b>OLGETA MANI:</b>	<b>550,485</b>	<b>20,491,700</b>

## Kas bilong ol yangpela Bogia

i kam long pes 10 i tupela bai bungim.

Dispela kain bilong skul aninit long morata haus long 6-pela yia olgeta long komyuniti skul, na bihain i go long nupela Holy Spirit haiskul, na nau bai tupela krungutim ples bilong waitman, tasol ol wait skin pikinini long Australia bai laikim tupela o nogat. Ol kain tingting olsem i kamap inap taim tupela lusim Madang na kamap long Mosbi.

Naguri i tok: "Mi tingting planti liklik. Tasol long hia (Mosbi Insevis Koles) mipela bung wantaim ol arapela studen bilong kantri husat bai go skul long wankain skolasip, na ol bikman i skulim mipela long wanem kain salens bilong bungim. Olsem na mi pilim orait liklik."

Famili em wanpela samting tupela bai i no inap lukim planti taim olsem bipo. Naguri na Iru wantaim i save long dispela.

Iru i tok: "Taim mipela i laik kam, famili bilong mipela i amamas tru. Ol i holim liklik kaikai na tokim mipela long skul gut. Na noken amamas long go long ovasis, na laik so op na i no tingting gut long skul wok."


Naguri i gat wanpela famili we

papamama i stap long ples. Ol i 5-pela long famili, na Naguri i kamap las. Olgeta arapela 4-pela pikinini i stap long ples. Olsem na long Naguri, em i namba wan pikinini long famili long winim wanpela skolasip long skul ovasis. Olsem na dispela em i bikpela samting tru long famili bilong em.

"Mi plenim long kamap wanpela jiolojis, saveman bilong stadi long ol samting aninit long graun na wara." Tasol olsem famili i tokim em, em i plenim long skul gut, na mekim dispela driman i kamap tru.

Naguri i go skul long All Souls and St Gabriels skul long Kens, Australia. Naguri na Iru i tok tupela i amamas long stap insait long dispela skolasip. Na i laik makim maus bilong ol arapela 502 studen aninit long skolasip ya, na tenkim gavman bilong Australia long givim dispela namba wan sapot long Papua Niugini.

Ripot i kam long Australia Hai Komisen i tok 504 studen olgeta i stap aninit long dispela skolasip. Long Australia ol bai wokim gen gret 10, na bihain wokim gret 11 na 12.



Toktok blong Rot Seifti ikam long Motor Vehicles Insurance (PNG) Trust

## Wok bilong olgeta man em long yusim rot gut.



### Kalarim na makim nem bilong femeli


Sapos yu wokim Gret 1 igo inap long Gret 8, yu gat tupela sans long winim wanpela Walkman (liklik redio na kaset pilaia) na wanpela katon bilong Wankai bisket "Nupela kaikai insait long paket"

Nem bilong dispela tok save i mas gat nem na kala. Na em i wok bilong yu long tingim na raitim wanpela nem yu ting i makim stret dispela tok save. Makim wanpela kala tu. Ol lain husat i winim dispela resis bai kisim wanpela liklik redio na kast pilaia na wanpela katon bilong Wankai bisket.

Salim ol fom bilong yupela i kam long:

MVIT Competition  
PO Box 7564  
BOROKO NCD

Dispela resis bai pas long 12 Mas. Na nem bilong ol lain husat i win bai kamap long niuspepa long Fonde, 18 Mas 1993



Mr John Arkosi

Motor Vehicles Insurance (PNG) Trust (MVIT) i laik kirapim wanpela kain tok lukaut long ol pipel long yusim ol rot gut long lukautim ol yet bai ol i no inap painim birua. Bod na Menesmen bilong MVIT i mekim dispela bikos ol i lukim olsem planti lain i wok long painim hevi bikos ol i no save long we bilong lukautim ol yet.



Jenerel Menesa bilong MVIT, John Arkosi i tok: "MVIT i gat wok long tok save long olgeta pipel, husat i save raun long ol pablik rot long ka. Toksave olsem ol i mas lukautim ol yet na ol narapela tu. Mipela i laik skulim ol yangpela pipel long bikpela wantaim save long lukautim ol yet taim ol i raun long ka o wokabout long rot."

Times na Wantok Niuspepa bai soim sampela samting MVIT bai kamapim long skulim ol pipel. Dispela tok save bai kamap long redio tu. Na bai wokim liklik buk i gat piksa bilong soim ol hevi ol pipel husat i save yusim rot i save kisim. Dispela em ol kain hevi olsem dring na draiv, karim planti moa pasindia na abrusim namba em lo i oraitim long en, ka i no gat sevis long en, pasin bilong draiv long nait na ol sampela samting olgeta manmeri mas save sapos ol i laik draiv.

Wanpela bikpela tok tru long dispela tok lukaut em long tok save long ol pipel bai ol i ken klia olsem ol tu i mas karim hevi bilong ol trabel ol i painim long rot. Wanpela tok piksa em olsem; sapos yu kalap long ka bilong man husat i spak na draiv, na yu painim birua, em asua bilong yu yet. Wankain tu, sapos yu kalap long ka em namba bilong ol pasindia i abrusim mak ka inap karim. MVIT i kamap long helpim ol pipel husat i painim bagarap long rot na givim ol kompensesen. Tasol ol pipel husat i save yet na kalap long ol ka na kisim bagarap na go kot long en, kot i no inap givim bikpela mani tumas.

Motor Vehicle Insurance (PNG) Trust i tok save long we bilong lukautim yu yet taim yu raun long ka.

# NAME OUR FAMILY



YOUR PRESENT ADDRESS		YOUR FULL NAME	
AGE		FAMILY NAME	
FATHER'S TRADITIONAL NAME		MOTHER'S TRADITIONAL NAME	
SON'S TRADITIONAL NAME		BABY'S TRADITIONAL NAME	

**Painim William Kambanei**

**Dia Edita,**  
Mi painim wanpela brata bilong mi nem bilong em William Kambanei. Em i bilong ples Simbomie long Is Yangoru, Is Sepik provins.  
Mi bilip em i stap long sampela hap long Madang. Mi bin traim long painim em tasol mi no inap. Na sapos yu husat man i save long em, inap yupela i tokim em long raitim pas long mi long dispela adres:  
**Paul Kambanei,**  
**PO Box 1011,**  
**LAE, MOROBE provins.**

**Pasin bilong sem ya**

**Dia Edita,**  
Mi no amamas long seleksen bilong sampela ragbi lig pilaia husat i go long Sidni seven-a-sait resis.  
Mi laik save bilong wanem na ol selekta i makim ol sampela malmalum man long go pilai.  
O i gat spit tasol ol i no gat strong sapos ol nara-pela tim i yusim ol hevi fowat bilong ol.  
Ol selekta i stupit. Ol i no laik makim kain ol man olsem Elias Paiyo na Kaibel Kanaka.  
O i gat spit, hevi na gutpela save long pilai. Tasol bilong wanem na ol selekta i lusim ol?  
Mi tokim yupela, yupela save wansait long seleksen na yupela save go lus na kam bek na karamapim sem bilong yupela long tok olsem yupela i go kisim eksperiens na kam. Sem bilong yupela.

**William Donump,**  
**Waigani, N.C.D.**

**Giluwe Timba bagarapim bus**

**Dia Edita,**  
Mi laik autim wari bilong mi long Giluwe Timba long Sauten Hailens provins.  
Mi papa bilong bus na nau kampani i bagarapim ol liklik diwai, tasol ol i no planim nupela. Ol wara na abus long bus tu i pinis.  
Long 15 krismas olgeta nau, kampani i no bihainim ol oda em gavman i putim long ol.  
I moa gutpela sapos gavman i rausim laisens bilong ol.  
Mi laikim gavman i painim wanpela gutpela kampani tru husat i ken bihainim tingting bilong ol pipel long taim ol i katim diwai.  
Dispela kampani i no helpim long wokim ol skul, haus sik, bris, na ol rot bilong ol papa bilong graun long yumi.  
Ol i no kamapim wanpela gutpela developmen long ol pipel bilong Imbongu.  
Mi amamas tasol long singaut i go long ol nara-pela kampani husat i ken givim ol kain servis olsem long ol pipel bilong Imbongu long kam nau na katim timba.

Em tasol wari bilong mi na yu husat i laik bekim pas, bai mi amamas tasol. Tenkyu tru.  
**Tambu Karoma,**  
**lalibu, SHP.**

**No ken yusim nating nem bilong Bikpela**

**Dia Edita,**  
Mi wanpela man Kove long Wes Nu Briten provins. Mi rait long autim liklik wari bilong mi.  
Wanpela taim mi stap long Hargy Divisen 1 na mi laik go long Bialla.  
I no gat bas na mi wet. Ating tupela awa bihain wanpela bas i kam na taim mi lukluk nem long fran, ol i prinim nem "Jisas Bas."  
Mi tromoi han long pasim em tasol bas i abrusim mi na i go. Mi tingting planti.  
Olsem wanem nem bilong Jisas isstap long

**Heven no ples bilong wanpela lain tasol**

**Dia Edita,**  
Mi laik toktok long sampela samting em mi save harim na lukim i no stret long ai bilong mi.  
Wanpela lain o lotu i save tok ol tasol bai go long heven. Na ol lain husat i save lotu long Sande i no inap go long heven.  
Mi laik save long wanem Baibel sapta na ves tru i tok yupela ol dispela lain tasol bai go long heven.  
Baibel yet i tok "Mi yet Mi Rot na As bilong Tok tru. Sapos yu bilip long Mi bai yu kisim Kingdom bilong Mi."  
Na ol dispela lain i save tok tu olsem ol samting olsem kopi na lip ti i doti. Orait i mobeta yupela i no ken planim diwai kopi bilong salim na kisim mani. Long wanem diwai kopi em as bilong dis-

**Katun bilong Toro no ken kusai nabaut**

**Dia Edita,**  
Mi laik autim wari bilong mi long man husat i save raitim na droim ol katun bilong Toro.

Mi no bin amamas long wanpela katun bilong Toro em i bin kamap long Wantok Niuspepa. Dispela katun i bin tok bilas long Pop.

Dispela man i save wokim ol katun i no yusim het bilong em. Yu save olsem Pop em i bikman bilong Katolik Sios o nogat? Em i no pipia man na bai yu wokim ol rabis katun long wokim ol man i ritim na lap.

Mi askim yu long stapim dispela pasin. Na sapos mi lukim kain katun olsem gen, mi bai kam long Wantok Niuspepa na lukim yu.  
**Andrew Kua,**  
**KIMBE.**

**Boram haus sik kamap ples pamuk**

**Dia Edita,**  
Mi wanpela man Sepik na mi laik autim liklik wari bilong mi.

Planti taim mi lukim long Boram haus sik ol manmeri save kam stap was long ol sik-

man, tasol ol i no save stap gut.  
Ol i save paul nabaut na wokim pasin pamuk long nait.

Dispela i no gutpela long wanem haus sik i no ples bilong pasin

**Bekim bilong atis:**

HEY, MAI PREN!... EM PANI TASOL, YAH! INO MIN OLSEM MI BAGA-RAPIM POP... MI GAT BIKPELA RISPEKT LONG EM TU, YAH... MI BIN HAFIM DISPELA PANI STORI LONG SAMPELA MAN OLSEM NA MI PUTIM INSAIT LONG TORO... ORAIT, SAPOS YU NO AMAMAS LONG DISPELA PANI STORI, EM I ORAIT TU! OLGETA MAN-MERI I GAT FRIDOM LONG AUTIM WARI BILONG OL... NA TINGIM, OL KATUN BILONG MI INO RABIS OLSEM YU TOK... MI WANPELA PROFESINOL KATUNIST HIA LONG PAPUA NIUGINI NA OLGETA MAN-MERI I SAVE LAIKIM... NA YU?.. YU GAT WANEM KAIN PROFESAN, AH?.. NA YU BIN TOKIM MI LONG STORI DISPELA PASIN... YU, WANEM? BOS BILONG MI?.. NA YU TOK BAI YU KAM LUKIM MI... KAM! MI STAP... KAM RALIN LONG WANTOK NIUSPEPA NA BAI MI SOM YU WANEM SAMTING MI SAVE MEKIM! LUKIM, YU!! -> KATUNIST, WANTOK PEPA.



**Maski pait long Tok bilong God**

**Dia Edita**  
Mi bilong Simbu tasol nau mi stap long Bulolo.  
Mi lukim olsem long planti hap, planti man i laik tok pait long Baibel.  
Ol man husat i save holim Baibel na autim Tok bilong God i save salensim ol yet.  
Dispela i wok long kamap bikpela nau long planti hap bilong kantri na mi pilim olsem em i no pani long

wanem i gat fesis i stap namel nau long ol man.  
Yumi ol man i no gat rait long tok pait long Tok bilong God. Yumi mas save olsem Gutnius i mekim man i fri long pasin sin.

Kain pasin olsem i no stret long ai bilong God. Olgeta man i mas bung wantaim iong autim Tok.  
**Lucas Mal Kuble,**  
**Bulolo, M.P.**

**Wokim pik maket long Hagen**

**Dia Edita,**  
Mi laik autim wari bilong mi i go long Hagen taun atoriti. Mi

laik ol mas wokim wanpela maket bilong pik.  
We ol papa bilong pik

man na i no ol momba long lotu bilong em tasol.

Nogut yumi putim nem bilong Em long bas nating na yumi no helpim ol narapela.

**Lagah Leris,**  
**Kimbe, W.N.B.P.**

bai go long dispela maket na saktim pik bilong ol. Pik i wanpela bikpela samting insait long Hailans. Na long Hagen, mipela i save kilim pik long wokim pati o baim meri.  
Sampela bilong mipela i no save lukautim pik.

**Maison Moka,**  
**HAGEN.**

**Yu ken tok Wewak i paia tasol PS bai mekim yu sindaun silip wantaim wari**

**Dia Edita,**  
Mi laik bekim pas bilong H.P Vullila i bin kamap long Januəri 28.  
Brata, mi sapotim tok bilong yu long Lesko i bin kolim qating nem bilong Kimbe. Lesko, Shutdown ben i bilong Rabaul ya. I no bilong Kimbe.  
Sapos yu bilong Sepik, orait mi laik tokim yu olsem mi tu bilong Sepik. Yu mas yusim het bilong yu. Vullila yu tok Shutdown i kukim Wewak. Long mi yet, mi no lukim Wewak i paia. Shutdown i no save long stall bilong Sepik.  
Long Sepik, mipela olsem pukpuk

husat i opim maus na redi long kaikai man.

Yes mi stap long Sepik bipo yet na mi lukim olgeta so. Wanem liklik samting i kamap long so, ol sei kokonas, ston na botol i save flai antap na ol manmeri i save ron nabaut.

Olsem na long dispela tasol ol Shutdown i raitim dispela singsing. Yu tok Wewak i paia tasol tingim PS i save mekim yu sindaun silip wantaim wari.  
**Alane B,**  
**WEWAK.**

**PAINIM PREN**

<b>Nem:</b>	Morgan Huexz
<b>Krismas:</b>	17 (man)
<b>Adres:</b>	Paglum Highschool P.O.Box 725 MT HAGEN
<b>Save Laikim:</b>	Pilai ragbi tas, raitim pas, tok pilai na harim ol lotu singsing.
<b>Nem:</b>	Betty Hayford
<b>Krismas:</b>	26 (meri)
<b>Adres:</b>	P.O.Box 415, Ogua City Central Region, GHANA
<b>Save Laikim:</b>	Pilai spot, harim musik, swim
<b>Nem:</b>	Francis Teiko
<b>Krismas:</b>	20 (man)
<b>Adres:</b>	P.O.Box 117, Ogua City Central Region, GHANA
<b>Save Laikim:</b>	Pilai soka, lukim piksa, senisim ol presen, harim musik
<b>Nem:</b>	Emmilia Jackson
<b>Krismas:</b>	26 (meri)
<b>Adres:</b>	P.O.Box 1294, Ogua City GHANA
<b>Save Laikim:</b>	Harim musik, pilai spot, senisim ol presen
<b>Nem:</b>	Andrew Haroli Hambuali
<b>Adres:</b>	P.O.Box 83 Tari Southern Highlands Province
<b>Save Laikim:</b>	Harim redio, pilai spot, ridim niuspepa na ol pas
<b>Nem:</b>	Ian Krasase
<b>Krismas:</b>	14 (man)
<b>Adres:</b>	Catholic Mission Boiken P.O.Box 107 WEWAK, E.S.P
<b>Save Laikim:</b>	Pilai ragbi, waswas long solwara, lukim TV na harim musik

# Provinsal gavman mekim bikpela wok Kimbe no gat pablik toilet

**Dia Edita,**  
Mi no amamas long tingting bilong praim minista, Paias Wingti na gavman bilong em long rausim provinsal gavman.

stap klostu long ol pipel. Olsem na ol i save long wanem wari ol pipel i gat.

Na sapos nesenel gavman i rausim provinsal gavman sistem, planti wok insait long olgeta provins bai pundaun. Bikos nesenel gavman em i stap longwe long ol pipel. Na ol i no inap

save long wanem samting i kamap long wanwan provins.

Wanpela gutpela piksa em, taim Morobe provinsal gavman i lukautim rot bilong Bulolo Watut mi lukim ol wokim gutpela wok tru. Tasol taim nesenel gavman i kisim bek wok bilong lukautim ol rot, ol i no wokim wan-

pela samting long stre-tim rot.

Dispela i kamap bikos nesenel gavman i stap longwe long pipel na ol i no inap luk save long kain liklik rot olsem Bulolo Watut rot. Mi save planti ol wok bai pundaun yet.

**Johnny Jim, BULOLO.**

**Dia Edita,**  
Mi laik sapotim pas bilong Demiong Kiau i kamap long Fonde, Januəri 28.

Mi laik tok olsem taim mi stap long wok, mi save lukim kain kain man i kam insait long yusim toilet bilong mipela ol wokman. Na taim mipela krosim ol, ol save tok olsem Kimbe

taun i no gat wanpela pablik toilet. Olsem na ol i kam yusim ol toilet bilong mipela.

Mi laikim ol Kimbe taun kaunsil long wokim wanpela pablik toilet. Tok bilong brata Demiong i stret na i tru.  
**Ben Koi Kave, KIMBE.**

## Wel rifaineri helpim Sauten Hailans

**Dia Edita,**

Mi wanpela mangi Sauten Hailans tasol nau mi stap long Lae siti.

Planti taim mi save ritim long niuspepa na harim long redio olsem Sauten Hailans bai kisim helpim long Kutubu oil projek tasol nau i luk olsem ol lain long Kutubu asples tasol bai kisim ol dispela helpim.

Sapos gavman i putim rifaineri long Sauten Hailans, mipela kisim helpim. Tasol ol i pulim paipain i go olgeta long solwara na bihai: i go

long sip. Olsem na i hat long mipela ol Sauten Hailans.

Dispela kain as tingting i save kamapim ol kain birua olsem nau long Bogenvil na long Iraq.

Gavman nau i mas lukluk gut long wari bilong ol pipel. Bikos i luk olsem bikpela helpim i wok long go long ol ovasis kantri.

Em tasol wari bilong mi.

**Taitus Karoma, Lae, M.P.**

## Givim sans long PNG musikman

**Dia Edita,**

Mi laik sapotim pas bilong brata Michael W.

Michael i bin komplem long mekim musik program em i save kamap long EMTV long olgeta Trinde nait. Em i tok olsem ol wokman i save putim planti singsing bilong waitman.

Mi sapotim tru toktok bilong Michael. Planti taim mi save lukim musik bilong ol waitman tasol i kamap. Yupela ol wokman i mas traim na givim

sans long ol musikman bilong Papua Niugini.

Mi bilip planti ol lain bilong Papua Niugini i laik lukim ol musikman bilong yumi yet i kamap long dispela program. Mi no askim yupela rausim olgeta waitman singsing. Yupela i ken pilaim wanpela o tupela tasol na olgeta i mas bilong Papua Niugini.

**Dorel M. Yawing, LAE.**

## Salim Lukautim Mosbi

# daka gut

**Dia Edita,**

Komplem bilong mi i go long ol meri bilong Kipiura plentesen long Wes Niu Briten provins.

Long lukluk bilong mi, i no gutpela tumas long ol meri i save salim daka long 20t. Mi wanpela man bilong kaikai buai. Na kain pasin ol i mekim i no gutpela tru long mi.

Ating moabeta yupela senisim dispela pasin long salim daka na bihainim stail bilong ol lain hia long Wes Niu Briten. I luk olsem yupela i nogat buai na daka long ples bilong yupel. Olsem na yupela mekim olsem.

**Tonny Biku, KIMBE.**

**Dia Edita,**

Mi laik autim liklik wari bilong mi.

Hia long Mosbi, mi lukim planti manmeri tru i save wokim ol banis kapa na diwai raunim haus bilong ol. Dispela hap i no olsem 14 mail em ol i save lokim ol pik na kakaruk insait long ol banis.

Mosbi em bikpela taun bilong yumi ol Papua Niugini. Olsem na em i mas stap olsem gutpela taun.

Yumi mas traim na stapim ol bikhet pasin bai ol pipel i no ken pret na sanapim kain ol banis olsem.

**Ben Kenori, MOSBI.**

## Painim olpela skulpren

**Dia Edita,**

Mi painim tupela pren bilong mi.

Nem bilong ol em Christian na Anna Yalu. Mipela i bin skol wantaim long Bumayong Lutheran praimeru skol long 1967. Nau ol i kolim Bumayong haiskul.

Long 1970 taim mipela wokim gret 9, mi lusim skol. Na i kam inap nau, mi no lukim ol liklik.

Mi tingim yet ol samting mipela save mekim long skol. Na mi laik husat man i save long ol long tok save, bai ol i rait i kam long mi long dispela adres:

**Robert Guyolo, C/- P.O.Box 273, Tabubil, Western Province.**



## Ful sapot long rausim provinsal gavman

**Dia Edita,**

Mi wanpela man Markham long Morobe provins tasol nau mi stap long Kainantu. Mi laik autim wari bilong mi long dispela provinsal gavman sistem long kantri bilong yumi.

Olsem wanpela man nating bilong ples, mi laikim nesenel gavman i rausim ol provinsal gavman. Nesenel gavman i mas rausim na putim dispela nupela viles atoriti.

Mi gat bikpela bilip olsem ol wok long ples bai kamap gut aninit long lukaut bilong vilis sevis skim. Bikos dispela gavman bai stap klostu wantaim ol lain bilong ples stret na inap save long wanem

kain hevi ol pipel i gat na painim long en.

Nau yet mi lukim olsem provinsal gavman sistem i no wok

gut.. Planti provinsal gavman i no yusim gut mani na paulim planti wok kamap insait long ol provins. Dispela kain

paul pasin bilong ol na planti bilong ol i saspen pinis.

**Robert Yanod, KAINANTU.**

## Bia no suvim man long bikhet

**Dia Edita,**

Mi wanpela soldia boi bilong Moem Bareks long Wewak. Na mi laik autim wari bilong mi long *Wantok Niuspepa*.

Mi no amamas long ol bos man bilong provins long putim tambu long salim bia.

Planti taim mi save raun bipo long taun, mi no save lukim ol man i bikhet na pait nabaut long pablik ples o brukim ol samting bilong ol arapela. Ol spakman i no save raun long rot na paitim nating man. Planti spakman i save dring gut long haus

na stap wantaim ol famili bilong ol.

Yupela mas save olsem i no olgeta spakman i save bikhet long taun. I gat liklik lain tasol i save bikhet. Ol man i no save spak na wokim raskol pasin, dispela i no tru.

Bia i no save wokim man long kukim haus o tokim ol long go stil. Ol man yet i save go na stil long laik bilong ol.

Mi askim yupela ol bikman long rausim dispela tambu. Bikos mipela planti gutpela lain i kisim hevi nating.

**Jeffrey M. Jimmy Wavi WEWAK.**

## Ol sekyuriti mas isi liklik

**Dia Edita,**

Mi laik autim liklik wari bilong mi.

Wari bilong mi em olsem. Taim ol man i laik go insait long ol opis na askim long ol wok nabaut, ol sekyuriti i save rausim ol. Dispela i no gutpela tumas.


Harim yu husat sekyuriti i wok long ol

opis, yu mas larim ol man i go insait long opis na askim stret long bosman tru bilong kampani. Na ol i ken

harim long maus bilong ol bosman ya sapos i gat wok o nogat.

**Tom Alta, MOSBI.**

**Husat i laik salim pas i kam long edita i mas raitim stret nem na salim i kam long dispela adres: Pas i go long Edita, Wantok Niuspepa, P.O.Box 1982, Boroko, NCD.**



# BISNIS LONG PAPUA NIUGINI

## KOPRA

Pe bilong kopra i go antap nau long K30 long wan wan tan long dispela yia. Pe bilong ol bikipela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

Smoke	K263
F.M.S	K265
Hot Air	K268

Na pe bilong kopra long ol liklik depo i stap olsem:

SAMARAI	Smoke	K231
	F.M.S	K233
	Hot Air	K236
KANDRIAN na NAMATANAI	Smoke	K228
	F.M.S	K230
	Hot Air	K233
BUKA	Smoke	K227
	F.M.S	K229
	Hot Air	K232
FINSCHHAFEN	Smoke	K223
	F.M.S	K225
	Hot Air	K228
LORENGAU	Smoke	K198
	F.M.S	K200
	Hot Air	K203
KEREMA	Smoke	K218
	F.M.S	K220
	Hot Air	K223
KARKAR	Smoke	K200
	F.M.S	K202
	Hot Air	K205

CMB nau bai i no inap long kisim moa prais sapot long Gavman. Dispela i stat long Janueri 1, 1992

## KAKAO

PRAIS bilong drai kakao long wanwan tan long Rabaul long Mandé inap long Fraide long las wik.

Mande	Tunde	Trinde	Fonde	Fraide
30/11	1/12	2/12	3/12	4/12

Pe ol baiya sasim long papa bilong fementri

K713	K711	K719	K719	K707
------	------	------	------	------

Sapot prais

K500	K585	K585	K585	K585
------	------	------	------	------

Prais ol papa bilong fementri i kisim

K1213	K1296	K1304	K1304	K1292
-------	-------	-------	-------	-------

Sapot prais bilong kakao long dispela mun em K628.95. Dispela prais i no wankain olsem pe bilong kakao long ol narapela hap bilong kantri.

## KOPI

Pe bilong drai arabika na robusta kopi long wanwan kilogram long Februeri 8, 1993. Dispela i karamapim prais bilong kopi long dua bilong faktori, na i no long sait bilong rot.

Arabika:

Kainantu	K130 to 142
Goroka	K135
Moz na Banz	K123 to 130
Lae	K130
Lae	K110 to 120
Kavieng	K120
Wau/Bulolo	K110
Madang	K100

Ol ripot i kam long Kopi Industri Kopesren. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.

Robusta:

Is Sepik	K80 to 90
Madang	K60

Ripot bilong ol arapela senta husat i save groim robusta kopi i no kamap.

## RABA

Gavien faktori (ESP) - 21 1/4 kg  
Doa faktori (Sentret) - 36 1/2 kg inap long 39 1/2 kg

## KADAMON

Prais bilong kadamon em A. T. Agri Ejenji Pty Ltd long Madang i tok aut long en i stap olsem:  
Drai long san em namel long K0.80 na K1.10.  
Drai long faktori em namel long \$6.50 na \$8.00.  
A. T. Agri i lukautim Kobum Spice em i stap long Bundi we planti ol kadamon i save kam long en.

## PRAIS BILONG OL BENSIN

Kos long wanpela lita	
Ex Pump (Wantaim takis)	
Petrol	47.9 toea
Disil	37.2 toea
Kerosin	43.8 toea

# Namba wan kendel fektori kamap long Madang

## BEN TAUMAI i raitim

WANPELA man Simbai long Madang provins i gat nem nau

# Oposisen laikim Neville lusim wok fores

OPOSISEN mausman bilong Tred na Industri i laikim praim minista long rausim rausim Fores minista, Tim Neville na makim nupela man.

Memba ya Joseph Onguglo i tok Mista Neville i no luksave long lo bilong dispela kantri na wok. Na we em i ranim dispela ministri bilong em i no gutpela.

"Minista i bin sapatim nupela Fores Lo bilong 1992 em ol i kamapim Nesenel Fores Bod (NFB). NFB em bodi we i save lukautim wok bilong fores industri

olsem namba wan man bilong kantri long wokim kendel. Dispela man em Michael Tomscoll bilong ples Aiom long Simbai. Em yet i papa na menesing dairekta bilong dispela kendel fektori bilong em, Tomscoll Candle Makers.

Long kantri. Na bihain em i soim olsem em i no bilip long wok bilong bod.

"Long mun Oktoba 1992, Mista Neville i bin traim long rausim dispela bodi. Na kisim olgeta pawa bilong ranim olgeta fores wok insait long kantri i go inap long mun Disemba, 1993. Tasol laki tru na loya bilong gavman i no givim tok orait. Olsem na dispela samtling i no bin kamap.

"Long namba wan bung bilong bod long mun Februeri long dispela yia, Mista Neville i bin tam-

buim ol niusman long kisim stori bilong ol. Mi save olsem dispela i bin wanpela bikipela bung tru bilong bod. Na mi tingting planti long pasin ministri i mekim," Mista Onguglo i tok.

Em i tok i rong tru long wanpela kabinet ministri long givim em yet olgeta pawa bilong lukautim wanpela bikipela risos bilong kantri. Bikos em i ting olsem dispela inap kamapim kain kain trabel.

Olsem na em i laikim praim ministri long senisim Mista Neville na makim nupela fores ministri.

Pastaim long Mista Tomscoll i kirapim dispela kendel bisnis, em i bin wok wantaim PNG Printing. Na bihain em i lusim ol na go kirapim dispela bisnis klostu long hap Repco i stap long en.

Tomscoll Candle Makers i save wokim ol kain kain kendel. Sampela i bikipela, liklik na namel sais. Na tu, ol i save kamap long ol kain kain kala.

Mista Tomscoll i tok long nau yet, ol i save kisim bikipela oda tru long ol dispela kendel bilong yusim oltaim. Dispela kain kendel i stretpela, longpela na wait long kala.

"Olsem na mipela save wokim wan tausien kain kendel olsem long wanpela de," em i tok.

Na Tomscoll Candle Makers i save salim ol kendel bilong en i go long Is na Wes Sepik, Morobe, Goroka, Hagen, Kerema na long Madang yet. Na dispela ol kendel i save go long ol hotel, haus pasindia, haus kaikai, ol bikipela stua na ol lotu nabaut.

Mista Tomscoll i tok long wokim ol kendel, kampani i save odaim ol weks long Australia. Na olgeta arapela wok bilong memeim na wokim ol stik kendel i save kamap yet long Madang.

Em i tok sapos moa oda i kam insait long ol kendel bilong em, Tomscoll Candle Makers bai skruim bisnis bilong en i go bikipela.

# PTC na Waterboard amamas long wok bilong Puio sekyuriti

WANPELA nupela sekyuriti kampani i kamap pinis long Madang. Nem bilong dispela sekyuriti sevis em Task Puio Sekyuriti

Sevises. Menesing dairekta bilong kampani ya em William Puio. Ol asples man bilong Madang

yet i papa long kampani ya. Sampela ol seaholda i kam long ol ples olsem Karkar, Not Kos na Simbai.

Mista Puio i tok as tingting bilong statim dispela kampani em long helpim ol skul liva husat i no inap long kisim wok long sampela bikipela kampani long provins.

Nau yet em i gat 8-pela sekyuriti man husat i lukautim opis bilong PTC na Waterboard. Em i bin winim kontrak long lukautim ol ples long PTC na Waterboard.

Puio i tok olsem sapos em i kisim kontrak bihain bai em i kisim sampela moa skul liva long kamap olsem sekyuriti o wasman.

"Long dispela we, yumi ken helpim sampela ol yangpela boi bilong yumi. Bikos ol i gat wok bilong kisim liklik mani long baim wanem samtling ol i laikim," em i tok.

Distrik menesa bilong Waterboard, Robin Ulatave na PTC bos Peter Kulupi i raitim long ripot bilong tupela olsem ol i amamas long gutpela wok bilong PTSS. Na tupela i tok olsem sapos wanem kampani i laik givim kontrak long PTSS, ol inap long mekim gutpela wok.

PTSS i save sasim K150 long wan aua em ol sekyuriti bilong ol i wok long en.



• Bos bilong Pulo sekyuriti kampani long Madang, William Puio wantaim ol sampela wokman bilong em ausait long opis bilong ol. Foto na stori: Ben Taumai.

# Ripot bilong senism Egrikalsa Beng redi

DEPUTI Praim Minista na ministri bilong Fainens na Plening, Sir Julius Chan i tokaut pinis long tingting bilong em long wokim sampela senis long kamapim wok bilong Egrikalsa Beng. Olsem bai beng inap helpim ol pipel bilong ples long kisim dinau na statim ol wok bisnis.

Sir Julius i bin mekim ol dispela toktok taim em i kisim ripot long Steering Komiti husat i bin lukluk gen long wok bilong Egrikalsa Beng bilong Papua Niugini long Trinde.

Taim em i kisim dispela ripot em i tok amamas long komiti long

pinisim ripot stret long taim. Sir Julius i bin givim tripela mun bilong komiti long pinisim ol wok.

Em i tok wok bilong Stiaring Komiti em long lukluk gen long wok bilong Egrikalsa Beng na Papua Niugini Benging Kopesren (PNGBC). Na givim tingting bilong ol sapos Egrikalsa Beng i ken kamap olsem PNGBC o stap olsem nau yet. Ol i bin askim komiti tu long kisim moa toktok long ol bisnisman na kisim tingting bilong ol long tingting bilong helpim ol liklik bisnisman na meri insait long kantri.

Sir Julius i tok em bai tokaut

long dispela ripot taim i lukim gut na sindaun toktok wantaim ol komiti memba long dispela ripot bilong ol.

Man husat i bin go pas long dispela komiti em Roger Palme. Na ol arapela komiti memba em Ray Thurecht, Mrs Alvu Tauvasa, Menesing Dairekta bilong Egrikalsa Beng Shame Pake, Menesing Dairekta bilong PNGBC, Henry Fabila, Ekting Deputi Menesing Dairekta bilong Egrikalsa Beng Jack Griffin, mausman bilong Fainens dipatmen Leva Hewka na Eksekyutiv bilong PNGBC, Paul Thornton.

## PE BILONG AIR NIUGINI LONG PNG TASOL

KISIM LONG I GO LONG PE BILONG BALUS		PE BILONG KAGO
POM	Alotau K101	K1.01
POM	Daru K117	K1.17
POM	Goroka K114	K1.14
POM	Hoskins K140	K1.40
POM	Kavieng K234	K2.34
POM	Kundiawa K113	K1.13
POM	Lae K95	K0.95
POM	Madang K129	K1.29
POM	Manus K206	K2.06
POM	Mendi K136	K1.36
POM	Misima K155	K1.65
POM	Mount Hagen K132	K1.32
POM	Popondetta K59	K0.58
POM	Rabaul K187	K1.87
POM	Tararua K189	K1.89
POM	Tauke K153	K1.53
POM	Vanimo K234	K2.34
POM	Wapenamanda K141	K1.41
POM	Wewak K180	K1.80

Ol kago em hovi abrusim 16kg bai gat pe

## Exchange Rates

PNGBC		
Bank buys at:	Notes	T/T
Australia	1.5148	1.4832
USA	1.0455	1.0175
UK	0.7332	0.7049

Bank sells at:	
Australia	1.4722
UK	0.6910
USA	1.0095
Solomon Islands	3.1233
China	5.7828
Fiji	1.5756
Hong Kong	7.7509
India	29.817
Japan	119.91
New Zealand	1.9338
Philippines	24.864
Singapore	1.6492
Switzerland	1.5059
Germany	1.6317
Gold rates (in US\$):	
per ounce	\$332.2
per gramme	\$10.68



# Ariako laikim simen fektori kamap long Saidor

RUDOLF AYU I raitim

MADANG provinsal gavman i salim pinis wanpela pas i go long nesanel gavman bilong oraitim ol long kirapim wanpela simen fektori long Saidor.

Tasol Primia Andrew Ariako i no amamas bikos sampela hap bilong dispela pas wantaim plen i no stap. Em i lus o sampela man i rausim ol hap bilong en.

Em i tok dispela i kamap long wanem i

gat wok politik i stap namel long dispela projek.

Mista Ariako i tok tu olsem nesanel gavman i bin rong tru long givim tok orait bilong wokim dispela simen fektori long Lae. Ol i mas wokim long Madang.

Primia bilong Madang i mekim dispela toktok bihainim ripot bilong wanpela wok painimaut em i kisim. Na dispela ripot i tok olsem Saidor i moa gutpela long

kirapim dispela projek.

Wanpela kampani bilong Ingran i bin mekim dispela wok painimaut na raitim ripot. Na primia i gat dispela ripot wantaim narapela em ol hap i lus nesanel gavman i holim long en.

Mista Ariako i tok em i no save long husat tru i mekim olsem long rausim ol sampela hap bilong dispela ripot. Tasol em bai strong yet

long kisim dispela projek i kam long Saidor.

Long las mun, Mista Ariako wantaim 8-pela saveman bilong kantri Jemani i bin go long Mosbi bilong givim ripot bilong bringim projek i go long Saidor.

Ripot bilong ol i tok olsem i gat gutpela malmalum graun, wesana na kambang ston bilong fektori long sanap long en. Wanpela samting tasol i no

stap long graun em ain. Na ol i tingting long kisim dispela samting long narapela hap.

Wok stadi bilong dispela projek i bin kamap long 1989 yet i kam. Na long dispela taim, ol lain bilong Elcom na Wotabod i orait long givim pawa na wara i go long Saidor. Na sapos projek i go het, ol bai wokim tu wanpela bris

bilong ol sip long pas long en.

Gavman bilong Madang i lusim pinis K25,000 long ol wok painimaut bilong dispela projek. Na narapela K46,000 long Sipara masta mak kampani long makim na stretim graun.

Kos bilong dispela projek bai inap long K100 milien. Na bihain long 100 yia, projek bai inap kamapim

K160 milien. Long projek, 400 man na 100 meri bai gat wok. Na bikpela namba bilong ol dispela lain i bilong Papua Niugini yet.

Long nau, minista i bosim wok bilong Tred na Industri long kantri, David Mai i oraitim pinis projek long kamap long Lae. Tasol Primia Ariako i tok em bai tok pait yet long kisim i go long Madang.



*Bisnis long rot...Wanpela liklik bisnisan bilong Indonesia i laik salim ol hanwas long wanpela man Papua Niugini. Foto: Dominic Kaka.*

## Sekyuriti bos komplek long ol liklik kontrak

BEN TAUMAI I raitim

BOS bilong wanpela sekuriti kampani long Madang, William Puio i sapotim tok bilong Sir Peter Lus long ol PNG man i mas kisim ol liklik kontrak wok.

Long las yia, Sir Pita i bin mekim dispela tok long Palamen.

Em i tok olsem gavman i mas larim ol PNG man i kisim kontrak long mekim ol wok olsem mekenik, panel bita, spre peinta, katim gras, digim baret na ol arapela liklik wok nabaut.

Mista Puio i tok olsem em i lukim planti waitman i kisim ol liklik kontrak wok. Na dispela i no gutpela. Em i tok ol i wok long givim ol dispela kontrak i go long ol dispela pipel long kala bilong skin bilong ol tasol.

Na tu bikos planti waitman i stap insait long ol komiti bilong givim ol kontrak.

"Ol man bilong narapela kantri i kisim kontrak bikos long kala bilong skin bilong ol. Dispela i no stret. Sampela bilong ol liklik bisnis bilong ol PNG man i bruk bikos ol i no kisim kontrak," Puio i tok.

Em i laikim ol provinsal na nesanel memba long lukluk long dispela na stapim kain pasin long kamap bikpela.



**Pacific  
Instant  
Lottery**

## Ol Stua bilong Pacific Instant Lottery

Sans bilong yu long kamapim gutpela sindaun long taim bihain

Long nau yet, sampela papa bilong ol liklik stua i wok long amamas long dispela helpim em Pacific Instant Lottery. Olsem na nau em i sans bilong yu tu long bung wantaim ol olsem wanpela Stua bilong Pacific Instant Lottery. Taim yu mekim olsem, yu bai kamap wanpela bilong ol namba wan lain long hap bilong yu long kisim dispela nupela Tattslotto gem em bai kamap klostu.

Sapos yu wanpela gutpela man na i gat gutpela bisnis, yu ken toktok nau wantaim wanpela wokman bilong Pacific Instant Lottery long telipon namba 25 9666 long dispela samting.


Em Sans Ya!!



# PING



# KANTRI



**Longtaim misineri dai...**Bruder Jean Marie Delabarre i bin dai long Mosbi las Mande. Em i dai long wanpela birua bilong ka klostu long Jacksons ples balus. Em i bilong kantri Frans na i bin kam wok long Papua Niugini Inap long 75 kris-mas olgeta. Em i wanpela bilong ol namba wan Katolik misineri bilong kam wok long PNG.

# Saveman ting tok ples inap daunim planti hevi

**SAPE METTA I raitim**

WANPELA saveman bilong skul long rit na rait i laikim moa senta bilong dispela wok i kamap long Isten Hailans provins.

Bikos dispela inap helpim moa pipel long save long rit na rait.

Dispela man em Jacob Anupaveso bilong ples Asariufa long Isten Hailans. Em i tok ol tok ples skul bilong ol pikinini na ol bikpela manmeri bai strongim ol pasin tumbuna na kamapim gutpela sindaun namel long ol pipel.

Mista Anupaveso i tok Goroka inap go pas long wok bilong lainim ol man long rit na rait. Long wanem skul bilong rit na rait (SIL) i stap long Isten Hailans.

Em i tok tu olsem wok bilong kirapim ol tok ples skul i no inap kostim bikpela mani. Na em bai helpim moa pipel long taim bihain. Na inap helpim tu ol pikinini long luksave long ol pasin tumbuna bilong ol.

Em i givim tok piksa bilong dispela long Is Nu Briten. Bikpela namba bilong ol lain long hap i save long roit na rait. Long wanem, ol i gat ol tok ples skul long olgeta hap.

Dispela i wanpela bikpela hevi tu long wok bilong gavman na ol gavman sevis. Planti lain i no save long wanem samting bikos ol i no save long rit na rait. Na oltaim ol polisi na lo i save kamap long pepa.

Olsem na Mista Anupaveso i bilip dispela hevi inap go daun sapos moa pipel i klia long rit na rait long tok ples bilong ol.

Em i mekim ol dispela toktok bihain long em i pinisim wanpela mun kos bilong skulim ol manmeri long rit na rait long tok ples wantaim arapela 15 man long SIL.

Na nau em i redi long opim namba wan tok ples skul long Goroka. Dispela skul bai stap long ples bilong em yet na em bai kisim 20 skul pikinini. Na em bai ranim tu sampela tok ples skul bilong ol bikpela man na meri.

# Bikpela ren kamapim birua long Wabeg

**GEOFFREY APAKALI I raitim**

WANPELA yangpela man na meri i dai long Wabeg taim ol i laik brukim Wara Alyo long Aipus.

Plis i no inap givim

nem bilong tupela, tasol ol i tok dispela stori i tru.

Dispela hevi i kamap long las wiken taim bikpela ren i pundaun

na i bagarapim ol gaden kaikai, ol haus na rot bilong ka.

Long ples Lakemanda, olgeta kaikai i bagarap. Ol pipel long Minamb tu i kisim bagarap na ol i askim pinis long Redio Enga long tok save long ol pipel nabaut long helpim ol wantaim ol klos na kaikai samting.

Ripot i kam long Wabag i tok sampela hap graun i bruk na i pasim rot na ol ka i no ron inap long sampela awa bihain.

# Skul bilong AIDS na STD kamap long Goroka

**ELLIOT RAPHAEL I raitim**

OL STD sik olsem sipilis na gonoria, i wok long kamap bikpela yet long kantri na i bagarapim planti manmeri.

Na long ol skul tu, dispela ol sik i kamap bikpela nau.

Wanpela woksop em ol i holim long Goroka stat long Mande na bai pinis long Fraide i toktok long STD na AIDS.

Insait tu long dispela bung ol i kolim long STD/AIDS Woksop, ol man i kam long dispela kos i traim long painim sampela gutpela vot bilong traim abrusim ol dispela sik nogut.

Ol opisa bilong Edukesen dipatmen, Helt, ol lotu na sampela moa i bin kamap na paitim toktok long sampela gutpela rot em ol i ting bai helpim komyuniti long daunim strong bilong ol dispela sik.

Taim ol lain bilong kos i go bek, ol inap save gut long skulim ol pikinini na ol manmeri long wanem as tru na kain sik i save kamap. Na tu long wanem rot ol i ken bihainim long abrusim dispela samting nogut.

Dispela woksop i bihainim tasol tingting bilong gavman em ol i kamapim bilong traim skulim ol man long we bilong abrusim ol kain sik olsem gonoria, sipilis, AIDS na planti moa.

Ol gaidens opisa husat i kamap long dispela woksop tu bai go bek long wan wan skul bilong ol na trenim ol haikul tisa long ol we bilong skulim ol skul mangi long ol kain sik olsem.

# Protes long OK Tedi no kamap

WANPELA bikpela protes ol wokman bilong OK Tedi Maining kampani long Westen provins i laik kamapim long 12 klok aste nait i no bin kamap olsem ol i bin tok long en.

Dispela i bihainim tasol sampela toktok em Maining Konstraksen Wokas Yunien i givim long kampani.

Wanpela bikpela toktok ol i putim i go long mama kampani em long ol i laik bai pe bilong ol wokman mas i go antap liklik long 4 pesen.

OK Tedi Wokas Yunien i tok olsem


900 wokman na meri i vot long las wik long kamapim wanpela protes sapos kampani i no apim pe bilong ol.

Long aste, ol bikman bilong kampani na yunien i holim wanpela kibung wantaim Leiba dipatmen long stretim dispela hevi. Na i wetim tasol bekim bilong dispela kibung.

Long nau yet, i no gat wanpela bikpela samting i kamap long Tabubil na ol wokman i wet tasol long tok save bai i kam long Mosbi.

# You'll go bananas over this deal!

- \* 19ft Fibreglass Banana Boat
- \* 25hp Evinrude Outboard Motor
- \* 20 Litre Fuel Tank



ALL FOR ONLY  
**K3,950**

Go get em!

The go deals are one better at...



**BOROKO MOTORS**  
THE GOOD GUYS FOR BEST BUYS

PORT MORESBY: 255255 LAE: 421144 RABAUL: 922777 KIMBE: 935566 MADANG: 822433 MT.HAGEN: 521433 HIGATURU: 297175 ARAWA: 951566 TABUBIL: 589061

# BIKPELA BOSS I LUS TINGTING

Yu kam na painim aut.  
Toba Motors i toksave long  
nambawan prais bilong  
Johnson 40hp Outboard, YAH!



## Features

- POWERFUL TWO CYLINDER ENGINE.
- ELECTRONIC IGNITION
- OVERHEAT WARNING
- GAS OPERATED TILT AND TRIM
- SHALLOW WATER DRIVE
- EXTRA STRONG 22LITRE PLASTIC FUEL TANK WITH GUAGE

FEBRUARY

*Only*



**TOBA**  
MOTORS

PORT MORESBY 21 7874  
LAE 42 2611  
RABAU 92 1866

Agents: ALOTAU 61 1246 KIMBE 93 5035 Mt HAGEN 52 1855 WEWAK 86 2784

## Japan helpim ol disebel long go makim PNG ovasis

LONG Mande Februari 15, gavman bilong Japan i bin givim sampela mani i go long spot asosiesen bilong ol disebel (PMDA) pipel long Mosbi.

Dispela i stap aninit long wanpela program ol i kolim olsem Smol Skel Gren Eid Program (Small Scale Grant Aid Program: SCGAP). Kos bilong dispela projek em K11,950.

Dispela fan bai helpim

asosiesen bilong ol pipel husat i save raun long wilsia long Mosbi long baim 8-pela moa wilsia na ol speapat bilong ol. Na dispela bai helpim ol lain ya long mekim PNG long go pilai long ovasis.

PMDA i bilip olsem ol gem ol i go pilai ovasis i bikpela samting tru. Bikos em bai helpim ol long developim strong bilong ol na stap olsem ol pipel

husat i no gat bagarap long bodi bilong ol.

Long 1989, gavman bilong Japan i bin statim dispela program bilong SSGAP long helpim ol grup husat i no memba bilong ol gavman oganaisesen (NGO) na ol arapela grasrut asosiesen insait long kantri. Na long dispela taim i kam inap nau, ol i helpim pinis 21 projek long go het.

## Lae winim luksave bilong Australia

WANPELA lain grup bilong Lae Siti Atoriti long Morobe provins i winim wanpela bikpela awod i kam long ovasis.

Dispela grup i bin go long wanpela lukluk raun long wok bilong ol long mun Me, 1992 na

winim wanpela Awod bilong *International Assistance Category of the Australian Sister Cities Association Conference* long Penrith las ya.

Siaman bilong Lae/Kens Sista Siti komiti, Neville White-

cross i bin givim dispela awod olsem wanpela tropi i go long Siti Mene sa, Jacob Sawanga long las wik Fraide, 12 Februari.


Long dispela taim, Mista Whitecross i tok ol lain bilong Australian Sista Siti Asosiesen Konprens i bin luksave na i amamas tru long ripot em dispela grup bilong Lae Siti Atoriti i wokim bihain long lukluk raun bilong ol. Olsem na ol i givim ol dispela awod.

Mista Whitecross i tok dispela em i namba tu taim bilong ol lain long Lae long winim kain awod olsem. Ol i bin winim namba wan awod long 1990 taim 62 meri bilong Asiawe Wimens Asosiesen i go long Kens bilong lukluk wok bilong ol meri long hap.

Long taim em i kisim dispela awod, Mista Sawanga i tok em i amamas tru. Bikos dispela i soim olsem Australia i luksave long Lae na Papua Niugini wantaim.

Na em i pinisim toktok olsem Lae bai wokbung yet wantaim Kens long dispela program. Bikos i gat planti samting bilong lainim na senisim namel long tupela hap yet.

Ol wokman bilong atoriti husat i bin go long dispela lukluk raun i kam long Helt, Ensinia, Fainens, Edministresen na tupela memba bilong bod.



*Narakain painap...Planti lain*

husat i go long Sera i bin kalap nogut long lukim dispela painap. Bikos em i gat 32 kru olgeta na papa bilong en Peter Wasa i so op liklik i stap. *Poto: Felix Ramram.*

## Saveman bilong haus go skul long Filipin Ailan

WANPELA Papua Niugini i kisim pinis helpim bilong go long wanpela kos long Filipin Ailan.

Man ya em Amos Bau Jiki husat i save wok wantaim JAAK Invesmen. Na helpim em i kisim i kam long gavman bilong Filipin Ailan na Japanis Intanesenel Kopresen Ejensi (JICA).

Dispela kos bai stat long 25 Janueri na pinis long 8 Mas.

Ol arapela kantri husat i kisim wankain helpim em Solomon Ailan

na Kiribas.

Dispela kos i bilong save long we bilong wokim ol haus na i bilong ol man husat i holim ol bikpela wok liklik.

Skul bilong dispela program bai kamap long ples Dasmarias long Kaviet provins long Manila.

Ol lain husat i go long dispela kos i no inap westim mani long poket bilong ol. Long wanem gavman bilong Japan na Filipin Ailan bai lukautim ol.

CRATWORKS/TOBA2475

# Masalai pinisim tupela lapun Libo



BIPO bipo tru i gat tupela lapun man i save stap long ples Libo long hap bilong Kagua insait long Saut-en Hailans provins. Nem bilong tupela em Yole na Liba. Tupela i lukautim tu wanpela dok nem bilong em Yana. Dispela tupela man i no marit.

Wanpela taim tupela i stap na san i lait gut tru. Dispela taim tu ren i no bin pundaun. Yoli i kirap na tokim poro bilong em Limba long tupela i go painim kapul long bus.

Tupela kirap go long gaden, kism sampela kaukau, kukim long paia na redim bilong neks de. Long moning tru tupela kism dok bilong tupela na ol i go long bus.

Ol i raun i go na go long bikbus tru. Dispela dok bilong tupela tu i wanpela dok bilong kilim kapul stret. Man, ol i kilim planti kapul na ol i lukim ples i tudak na ol i laik wokabut i go bek long ples.



Tasol ol i go longwe tru long ples na i hat long go bek long haus. Yole i kirap na tokim Limba, "Bipo mi bin kam raun long hia na mi lukim wanpela hul bilong ston long dispela maunten. Olsem na mitupela mas go long dispela hap."

Limba i orait na tupela i painim rot i go kamap long dispela hul bilong ston. Taim Limba lukim dispela hul bilong ston, em i amamas nogut tru. Bikos dispela hul bilong ston i olsem wanpela haus.

Laki tru tupela i holim yet sampela kaukau na stat kaikai. Bihain tupela i wokim paia na kukim tupela kapul long paia na kaikai wantaim ol kaukau.

Tasol dispela hul bilong ston i bilong wanpela masalia. Na tupela man ya i no save olsem i gat masalai i stap long hap. Masalai i slip i stap na smelim gras bilong kapul em tupela lapun i kukim.

Tupela man i kaikai pinis na tupela slip klostu long paia.

Masalai i sindaun wetim tupela i slip indai na em i lusim hap em i stap na go long ples tupela man i slip.

Trangu tupela i no save long wanem samting bai kamap long tupela.

Masalai i kam tasol kilim na kaikai tupela wantaim. Em i pinisim olgeta mit bilong tupela na lusim ol bun tasol i stap.

Long dispela taim, dok bilong tupela Yana i go long bus na wok long painim abus long

nait. Taim em i kam bek, em lukim ol bun bilong tupela lapun i stap. Na em i kism ol bun na karim i go long ples.

Taim ol lain long ples i lukim ol bun bilong man ol i save pinis olsem masalai i mas kilim tupela lapun. Na ol i sindaun sori, krai na rapim graun long pes bilong ol i stap. Long wanpela dispela i bilong soim olsem ol i gat bikpela sori long dispela tupela lapun.

**Peter Fundu na Joshua Koyakia KIMBE.**

## Laik bilong man na meri em bikpela moa long wok



Dia Lalplain, Mi prenim wanpela meri na mitupela stap raun wantaim inap long 4-pela yia nau. Mitupela i no bilong wanpela provins. Tasol ol papa na mama bilong mitupela i amamas long tingting bilong mitupela long marit.

Dispela meri em i gat gutpela wok, tasol mi bin lusim wok bikos mi gat sampela hevi long famili.

Mi pret nogut em bai yu wok long traun lusim mi bikos mi no

gat wok long sapotim marit bilong mitupela. **MISSING OUT.**

Dia Pren, Mipela i save olsem yu wari tru olsem yu lusim wok bilong yu. Na nau painim narapela wok.

Yu bin kism wanpela wok refrens long olpela bos bilong yu tu o nogat? Sapos yu no kism, i gutpela long yu go na kism wanpela. Bikos dispela bai helpim yu long painim narapela wok.

Ol kampani na gavman dipatmen i save kism ol lain husat i gat

ekspiriens long wok na i no ol lain nating. Mipela i bilip bai yu painim wanpela nupela wok, maski sapos em i hat long painim.

Yu tok prenmeri bilong yu bai lusim yu bikos yu no gat wok. Na yu tok tu olsem em i gat gutpela wok. Na mipela i ting em i no inap askim yu long sapotim em. Olsem na ating em i no inap long lusim yu.

Sapos em i lusim yu bikos yu no gat wok, dispela i min olsem meri i no gat laik long


yu. Na yu no ken tingting long maritim kain meri olsem.

Mipela i laikim yu sindaun wantaim prenmeri bilong yu na tok tok long hevi yu gat. Na wanem samting yutupela i ken wokim long painim narapela wok bilong yu. Na sapos em i no tingting strong long helpim yu, i luk olsem em i no gat bikpela laik long yu.

**MI Lalplain.**

yu. Na yu no ken tingting long maritim kain meri olsem.

Mipela i laikim yu sindaun wantaim prenmeri bilong yu na tok tok long hevi yu gat. Na wanem samting yutupela i ken wokim long painim narapela wok bilong yu. Na sapos em i no tingting strong long helpim yu, i luk olsem em i no gat bikpela laik long yu.



*I no samting nating...Sais bilong dispela kontena i winim tru bilong foklip. Tasol kain strongpela ensin na pawa bilong foklip i tok liklik samting long kontena ya. Dispela samting long Vanimo i pullim planti al tru. Foto: Felix Ramram.*



LONG krismas, poro baim wanpela presen na i go givim long gelpren bilong em. Em i givim pinis na i wet bai gelpren bilong em i givim wanpela presen tu long em. Gelpren i opim presen bilong em na i amamas i stap. Kanage i wet i go nogat na kirap askim gelpren bilong em, "Hei, presen bilong mi we?" Semtaim gelpren i givim wanpela draipela kapupu. Kanage kalap nogut na askim, "Hei, em wanem nau ya?" Na gelpren i bekim, "Em presen bilong yu ya. Yu no laik a?" Kanage kirap na tokim em, "Sore mai lewa, em i orait. Yu karamapim na lukautim gut i stap. Mi go pastaim long hotel. Mi kism strong pinis long hap bai mi kam bek na brukim presen bilong yu." Papa Kanage Goroka, EHP.

KANAGE em wanpela bod memba. Na long wanpela kibung, em i go sindaun harim toktok i stap long wanpela taun haus. Kibung stat long 8 klok moning na i go yet inap long 4 klok long apinun. Long dispela taim nau, toilet i bagaramim stret Kanage na em i kism taim i stap. Mekim nogat na boi kirap siksti go long toilet na stap inap klostu wanpela awa olgeta. Em kilim skin pinis na kirap lusim toilet tasol na i go, em i no pamim wara long rausim pekpek. Poro bilong em tu i sindaun longpela taim long kibung, na em tu i kism taim. Em kirap na givim siksti i go insait long toilet, tasol em i no stretim wari bilong em na flai tasol i kam bek ausait na singaut i go long ol lain i stap long kibung. "Man i luk olsem dispela draipela raskol i bikhet long moning yet i kam i kam na nau em i kism taim. Ol i nekim em i dai na nau em i drip drip antap long wara i stap. Yu husat i kilim em, ating yu i no man. I luk olsem yu wanpela hos o elefen." Kanage harim na em i sem nogut tru. Asua bilong husat? Samting em i no laik pamim wara. Mekim na raskol i stap ples klia na ol man i lukim em.

Papa Kanage, Goroka, E.H.P.

KANAGE wantaim meri bilong em stap gut tru long taim tupela marit i kam inap nau. Meri ies pinis long stap wantaim Kanage na go paul wantaim narapela man. Kanage harim olsem na wok long sindaun silip wantaim wari i stap. Na wetim tasol meri bilong em long kam bek. Taim meri kam kamap, Kanage kirap kism wanpela draipela hap plang na brukim stret antap long sait bilong meri bilong em. Meri go kotim Kanage long ol plisman na ol i askim Kanage long wanem as tru na em i paitim meri olsem. Na Kanage stori long ol olsem meri go paul wantaim narapela man. Em nau wanpela plisman kirap na askim meri olsem wanem na em i no tromoi han long pasim plang long paitim em. Na meri i bekim, "Sapos satan i yusim han, mi bai blokim. Tasol satan yusim palang, olsem na mi no blokim."

Gee Kay, Toks City, Mosbi.

PIOLU long tok ples Siar long Nu Ailan provins em kain hap tok bilong man o meri laik go slip wantaim narapela. Tasol long tok ples Simbu bilong Kanage, em i min olsem lapun. Orait long wanpela apinun, Kanage go raun long Silur na tok pilai wantaim wanpela meri Siar i stap. I no longtaim na meri kirap na tokim Kanage, "Piolu" olsem bai tupela mas go painim ples nau. Taim Kanage harim olsem, em i sem pipia stret na tekov. Bikos em i ting olsem meri ya i tok olsem em i lapun pinis long tok ples Simbu. John Mays Bonma, Silur, N.I.P.

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong long hia

**WANTOK**

NIUSPEPA BILONG OL PAPUA NIUGINI STRET

**PABLIK NOTIS**

Sapos yu laik advertais, telepon 25 2500 na askim long

PH: Miri Aiori - Ext. 203  
John Iagata - Ext. 215  
Kosinto Fosagu - Ext. 216  
Bonner Hui - Ext. 202UNIVERSITY PUBLIC SERVANTS SOCCER CLUB  
AND  
UNIVERSITY JUNIOR SOFTBALL TEAM  
**FUND RAISING DISCO**Date: FEBRUARY 20TH, 1992  
Venue: CATHAY CLUB - Changai Resturant  
Time: 7pm till late

Admission fee: K8.00 per head

TICKETS WILL BE SOLD AT THE GATES

Transport will be provided for pick up and drop off

FOR MORE INFORMATION  
CONTACT LYNA WAHO 267432

EDVETISMEN

**PRAIM MINISTA salim tok sori  
bilong em i go long famili  
bilong Max Moeder**

THE LATE MR. MOEDER

Long dispela wik, Praim Minista Paias Wingti i salim bikpela tok sori bilong em i go long indai bilong provinsal memba bilong Madang, Max Moeder long las wiken.

Long hap sotpela toktok i go long meri bilong Mista Moeder, Anna na ol pikinini, Maxwell, Marina na Caroline, Praim Minista i tok, "Mi bin sori tru long harim olsem man na papa bilong yupela i dai las wiken.

"Long makim maus bilong gavman, mi salim bikpela tok sori long yupela.

"Man na papa bilong yupela i bin wanpela man bilong wok tru. Em i no man bilong sindaun na wet. Oltaim em i save go pas na soim ol arapela long wanem samting bilong mekim.

"Olsem na Papua Niugini na Madang i no inap painim kain man olsem gen.

"Nau mipela i wari long em i dai, tasol mipela mas tingim na bihainim tu wanem gutpela samting em i mekim pinis.

"Ol gutpela ples bilong stap i save kamap tasol long ol wok na spirit bilong ol kain man olsem man na papa bilong yupela.

"God i ken lukautim em na givim yu, ol pikinini na ol tumbuna strong bilong daunim na abrusim dispela taim nogut bilong wari na sori.

Paias Wingti, MP  
Praim Minista.*Fund Raising for*

MISS DWYERS MOONLIGHT

ELIZABETH VAKUNOU SMEDLEY

DATE: 20th February, 1993

TIME: 7.30 pm - late

VENUE: Port Moresby Travelodge

DRESS: Smart Casual

**DISCO**

Kunal St. off Walgan Drive

ADMISSION: K10.00

**DWYERS**

OFFICE SUPPLIES PTY LTD

**PORGERA JOINT VENTURE**

Manager Placer (PNG) Pty Limited

P.O. Box 484, Mount Hagen PNG

Tel: 57 9500 Fax: 57 9579 (Pogera Site)

Tel: 55 1288 Fax: 55 1514 (Mt Hagen Office)

Port Moresby Office: P.O. Box 851, NCD

Tel: 21 3599 Telex: 23369 Fax: 21 3612

**PORGERA  
JOINT VENTURE****BAI GIVIM PRAIS**

Menesmen bilong Pogera Join Venja i bai givim K500 olsem prais i go long man husat i givim ol toktok long painim 6-pela ka bilong kampani em ol i bin paulim. Ol i bilip olsem dispela ol ka i stap long sampela hap bilong Lae, Mt Hagen na Wabeg. Tok save long sekyuriti opereta bilong Pogera Join Venja long dispela telipon namba 578321 sapos yu painim wanpela bilong ol dispela ka.

Yu ken tok save tu long plis long ol plis stesin i stap klostu long hap bilong yu.

**Ol ka mipela i painim em:**

- |   |  |
|---|--|
| 1. Nissan Urvan ER24 15 sita bas, kala bilong em i blu. Reg. No. AFG-269. | 4. Nissan Urvan ER24 15 sita bas, em i gat blupela kala. Reg. No. LAC-031.             |
| 2. Nissan Urvan ER24 15 sita bas, waitpela kala. Reg. No. LAB-936.        | 5. Nissan Navara D21 dabol kab yutiliti, em i gat wait na yelo kala. Reg. No. AFB-675. |
| 3. Nissan Urvan Er24 15 sita bas, waitpela kala. Reg. No. LAC-059.        |  |

Mipela i no inap tokaut long nem bilong ol man husat i givim tok tok bilong ol dispela ka i lus.

Pogera Join Venja bai givim tasol K500 long wan wan ka ol i painim na ol i no inap givim ol arapela samting antap long dispela mani ol i makim.

**Peter Haris**  
Resident Mine Manager  
Pogera Joint Venture.

# NIUSPEPA BILONG VIIMI STREET

## WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

28 pes

Namba 965

Wik i stat long Trinde, Desemba 30, 1992.

40 toea

### MOROBE TINPIS STAP HAIT YET

Gavman: Niuslain helpim ol BRA:

FRANCIS ULIAU i raitim

NO GAT klia tok i kamap yet long anemhap nupela tinpis fektor bilong ol long Morobe provins bai stap long en.

Na ol lain long Dipatmen bilong Morobe wantaim provinsal Lens opis i no save long wanem samting i kamap nau. Bikos, ol i tok, oigeta samting i kamap tasol long opis bilong Tred na Industri long Mosbi. Na no gat gutpela toktok na wokbung i save kamap wantaim ol lain long provins. Seketeri bilong Morobe provins.

Manasupe Zurenuoc i tok em yet i no klia long wanem hap dispela nupela tinpis fektor bai sanap long en. Bikos i gat planti kain kain toktok i stap yet.

Em i tok nau, ol i wetim tasol ripot bilong ol lain long Tred na Industri husat i bin go long Malesia wantaim minista David Mai. Na bihain long Nu Yia, ating em bai inap klaim ol dispela samting.

Long 14 Novemba i go inap long 21 Novemba, 7-pela opisa bilong gavman i bin go long Malesia na Filipin Allan bilong sekap long ol tinpis bisnis long hap. Na ol baigvim ol ripot i go long bos bilong dipatmen long namba wan wik bilong neks yia.

Namel long ol 7-pela opisa ya em wanpela bilong Envairoman na Konsevesen, Fainens na Plening, Lae Siti Atoriti, Morobe provinsal gavman na tripela long dipatmen bilong Tred na Industri.

Long wankain taim, ripot i kam long provinsal Lens opis long Lae i tok oli no save long wanem samting i kamap nau. Bikos ol lain long Tred na Industri i no toktok stret wantaim ol.

"Mipela i save tasol long dispela ol samting long niuspepa," wanpela opisa bilong dipatmen i tok. Em i toktu oisem Tred na Industri i bin mekim wankain samting tu long ol lain i go moa long pes 2



Goroka brukim lo... Long las mun, G EHP Kapitel Atoriti i bin tambu long ol pip long ol rot na maket. Tasol ol pipel i wok mit bilong sipsip na ol kaikai oisem.

GAVMAN i tok oisem ol niusman i wok long helpim ol BRA long saensimpawabilong long Bogenvil. Man husat i lukautim nius bilong Bogenvil. Franzalbert Joku i tok dispela i wok long daunim strong bilong ol lain husat i laik stretim hevi long hap. Dispela tok i bihainim wanpela 3 pes ripot insat long Post Courier long toktok bilong wanpela men loya bilong Australia. Rosemary Gillespie husat i stap long Bogenvil. Gillespie i bin tok oisem ol sekjuritifos i lusim itakara rot na Tunuru meli. Mista...

- Plis opisa joinim NCDC bod...p2
- Glasim 1992...p3
- Is Sepik baset...p5

### Nupela mak bilong ne i dau

MESERY GUBAG i raitim

Ol lain husat em krismas bi anini long 21 krismas na w ol leba bai kisim. K wanpela wik stat long industriel Rejista

# 400t

## tasol!



• Kosa bilong United Sisters long Madang, Makis Patonga long Iephan wantaim tim bilong em.



• Ol pilala bilong Edukesen i sambai tasol long helpim wan pilala bilong ol wantaim bal. Edukesen i strong na winim Works wantaim 2-0 skoa.



• Dispela em tim bilong DPM husat i save kik long Pablik Seven soka long Mosbi.



• Wanpela pilai bilong United Sisters i ron i kam hom, dispela kain pilai bilong ol i bin wokim na ol i nekim Kabiw 26-9. Dispela em wanpela gem bilong Madang sofbal long las wik Sande.



• Dispela pilala bilong Teachers wantaim bal i traim hat tru ong painim umben bilong Yunivesiti. Ol i no strong na Yunivesiti i winim ol 5-0.



• Provinsal spot opisa long Madang John Bivi sanap namba tu long raithan. Dispela em taim em i givim ol samting bilong pilai kriki! i go long Madang Kriket Asosiesen.



• Dispela em A gret tim bilong Malagan husat i save pilai long Madang sofbal resis.



• Ben Warren bilong PTC long Iephan i traim long kam kism bal long wanpela pilala bilong Works.



NCDC PUBLIC SERVANTS SOCCER ASSOCIATION

DRAW

Weekend: 17 Date: Saturday - 20/02/93

Table with 5 columns: Game, Time, Fixture, Division. Lists soccer matches between various teams like Lands vs Works, NBC vs Works, etc.

Date: Sunday 21/02/93

Table with 5 columns: Game, Time, Fixture, Division. Lists soccer matches for Sunday 21/02/93.

Bye: NBC (Men)

BROWN'S ELECTRICAL 7 ASIDE SOCCER COMPETITION

Results

DATE: 14.02.93

Table with 5 columns: TIME, FIXTURE, vs, GD, REF. Shows results of matches from 12:00-12:45 to 2:45-3:30.

Draw For 21.02.93

Table with 5 columns: TIME, FIXTURE, vs, GD, REF. Shows draw for matches on 21.02.93.

Table with 5 columns: TIME, FIXTURE, vs, GD, REF. Shows draw for matches on 21.02.93.

KAVIENG SOFTBALL ASSOCIATION DRAW

Table with 5 columns: Date, Time, Fixture, Division. Lists softball matches for Saturday and Sunday.

Tigak Gazelles (W) Bye

PORT MORESBY WOMENS SOFTBALL LADDER AS OF 09-02-93 'A' GRADE

Table with 5 columns: TEAM, P, W, D, L, PTS. Lists teams like Mazda Carps, GI Gazelle, N/Fuji, etc.

\* One game outstanding

'AR' GRADE

Table with 5 columns: TEAM, P, W, D, L, PTS. Lists teams like I/Karanas, Tarangau, Norths, etc.

'B' GRADE

Table with 5 columns: TEAM, P, W, D, L, PTS. Lists teams like All Stars, GI Gazelle, DTI, etc.

'C' GRADE

Table with 5 columns: TEAM, P, W, D, L, PTS. Lists teams like Admiralty, Karanas, Royals, etc.

'D' GRADE

Table with 5 columns: TEAM, P, W, D, L, PTS. Lists teams like NGI, Norths, Chebu, etc.

\* One game outstanding

LAE RUGBY LEAGUE MOROBE BAKERY SEVEN-A-SIDE RUGBY LEAGUE DRAWS

SUNDAY FEBRUARY 21 1993: ROUND 5 & 6

Table with 3 columns: Time, Fixture, vs. Lists rugby matches for Sunday Feb 21.

PORT MORESBY WOMENS SOFTBALL ASSOCIATION 1992-1993 SEASON DRAW - ROUND 2

SATURDAY 20/02/93 WEEK 8/9

DIAMOND ONE

Table with 4 columns: TIME, TEAMS, vs, DIVISION. Lists Diamond One matches.

DIAMONS TWO

Table with 4 columns: TIME, TEAMS, vs, DIVISION. Lists Diemons Two matches.

DIAMOND THREE

Table with 4 columns: TIME, TEAMS, vs, DIVISION. Lists Diamond Three matches.

BYE

Table with 2 columns: M/Craps, vs, DIVISION. Lists bye teams.

PORT MORESBY MEN'S SOFTBALL ASSOCIATION DRAW 21-2-93

A GRADE

Table with 4 columns: TIME, TEAMS, vs, DIAMOND, UMPIRE. Lists A Grade matches.

B GRADE

Table with 4 columns: TIME, TEAMS, vs, DIAMOND, UMPIRE. Lists B Grade matches.

NBC BYE

C GRADE

Table with 4 columns: TIME, TEAMS, vs, DIAMOND, UMPIRE. Lists C Grade matches.

Morobe kantri laikim fi bilong sempionsip

YAKAM KELO i raitim

KODINETA bilong Morobe Kantri Basketball Asosiesen i askim ol 10-pela distrik husat bai pilai long sempionsip neks mun long baim ol rejistresen fi bilong ol nau.

Kodineta bilong basketball insait long ol distrik, Michael Waimba i tok ol wan wan distrik i mas salim ol fi bilong ol i kam hariap bai ol i ken holim kantri basketball sempion sip.

PNG redi long ol bikpela resis

BIKPELA resis bilong ol atletik manmeri husat i save ron long ol long-pela hap rot bai kamap long namba tri na foa wik bilong dispela mun.

Sekretari bilong Papua Niugini Emetik Yunien (PNGAU), Victor Simmons i tok dispela resis i save stap long kalenda bilong PNGAU long olgeta yia. Tasol planti provins i no save soim laik tumas long resis.

Dispela resis em ol i kolim "Rod Sisen" na ol rana i ken ron long ol longpela hap.

Simmons i tok dispela em i gutpela trening bilong olgeta manmeri husat i save ron long trek na pilai long fil. Bikos dispela pilai i ken redim ol long ol pilai bilong ol long bihain.

Kabwum, Finsafen, Siassi, Lae distrik, Huon distrik na Garaina distrik.

Ol yet bai holim ol distrik tonamen na making ol skwat bilong go pilai long Morobe Kantri basketball sempionsip long Lae.

Bihain long tonamen, ol selekta bai makim wanpela tim bilong makim Morobe Kantri na go pilai long Nesanel Basketball

Em i tok Goroka na Mosbi tasol i wok long strongim yet dispela pilai. Mosbi i gat asosiesen bilong en na ol i save redim gut dispela pilai resis.

Long namba tu wik bilong mun Mas, olgeta resis bilong atletik long fil na trek bai stop. Olgeta provins bai statim ol pilai na redim ol tim bilong ol long tupela bikpela pilai bilong makim skwat i go long Afafura gem long Dawin, Australia long dispela yia.

Tupela resis bai kamap long 6-7 long Lae na 13-14 Mas long Mosbi. Long Mosbi, ol bai makim tim bilong go pilai long Dawin.

Simmons i laik askim ol pilai long tren gut. Na husat i bin lusim mak bilong em long ron i mas traim long kisim gen nau.

Sempionsip long Goroka.

Waimba i tok sampela bilong ol 10-pela distrik ya i save painim hat long kamap long tonamen bilong ol yet. Dispela em bikos ol i stap longwe na i hatwok long lusim mani long i go i kam.

"Olsem na i luk olsem ol distrik long Huon na Mutzing bai salim tupela tim i go long Lae long neks mun. Dispela em bikos sampela ples olsem Boana na Wantoat i stap insait long Mutzing distrik, tasol i longwe long i go i kam long pilai. Huon tu i wankain bikos Salamaua i longwe long kamap long distrik tonamen." Waimba i tok.

Morobe Kantri Basketball Asosiesen i stap aninit long lukaut bilong Morobe provincial spots opis na Waimba i wok olsem teknikel opisa na kodineta.

Dispela asosiesen i bin stat wok long 1980 i kam inap long 1987 na em i pundaun.



## Das kirap long Goroka 7-asait soka resis

### WINIS MAP I raitim

NAMBA wan pilai bilong Goroka 7-asait soka i bin stat long las wiken. Na olgeta pilai i kamap gut tasol.

Ol tim husat i bin kamapim strongpela pilai las wiken em Browns Electrical, Capital Authority na Goroka Klos Stua.

Browns Electrical 7-asait soka resis i gat 8-pela tim i

rejista. Tupela tim husat i bin rejista bihain tru long ol arapela em Pepsi/SP na Goroka Klos Stua.

Wanpela strongpela pilai bilong las wiken i bin stap namel long NSI na Browns Electrical.

Browns Electrical husat i sponsaim dispela resis i no laikim ol arapela tim i winim tropi em kampani bilong ol i baim. Olsem na ol i winim NSI. Ol i bin sutim tripela gol na NSI nogat.

Narapela strongpela pilai bilong las wiken i bin stap namel long GB Hospital na PTC. Ol dokta boi bilong Goroka haus sik i givim marasin nogut long PTC na winim ol, 1-0.

Bihain nau long ol dispela namba wan pilai, ating planti tim i save pinis long strong bilong wan wan tim na ol bai traimit stretim stail bilong ol gen long dispela wiken.

Narapela samting em Goroka na Hagen bai holim wanpela 7-asait soka tonamen.

Dispela tonamen bai kamap long Goroka long Mas 6 na 7. Hagen bai salim 4-pela tim i go long pilai.

Tasol nau yet ol i wok long painim wanpela kampani long sponsaim dispela 7-asait soka tonamen. Na ol i askim ol kampani long Goroka o Hagen long givim helpim. Sapos wanem kampani i gat tingting long helpim i mas ringim Sama Sasama o Edris long telipon namba 72 2391 na Mathew Waram long 72 1266.

## Madang bai ful sapot long ol liklik spot

### BEN TAUMAI I raitim

PROVINSAL spot opis long Madang i tingting nau long helpim ol pilai we i no save kisim helpim bipo.

Provinsal spot opisa, John Bivi i bin mekim dispela toktok taim em i givim tupela sil na ol samting bilong pilai i go long Madang Kriket Asosiesen long Sarere.

Em i tok, astingting bilong givim helpim em long kamapim wok bilong ol spot husat i no gat luksave.

"Opis bilong mi bai helpim ol spot husat i bin traimit hat tru long kamapim ol pilai.

Olsem bai wok bilong ol i ken go het. Bikos dispela ol spot i no save kisim luksave wankain olsem ragbi lig, soka, basketbal na sofbal. Dispela bai helpim long kamapim gutpela trening na ol pilai long makim provins long ol bikpela resis," Bivi i tok.

Em i laik lukim olgeta spot long provins i gat wankain namba bilong ol sapota na pilai. Dispela bai helpim long kamapim nem bilong kain kain pilai long provins.

Spot kodineta i askim tu ol arapela lain long traimit pilai kriket. Bikos long nau yet, ol lain bilong Sauten rijon

tasol i save pilai. Na em i pret nogut ol lain bilong Sauten rijon i lusim Madang na bai no gat kriket gen.

Dispela i wankain long pastaim em ol i save pilai Osi Ruls. Tasol taim ol lain Wes Nu Briten i lusim provins dispela pilai i pundaun.

Seketeri bilong Madang Kriket Asosiesen (MCA), Gabby Ranu i givim bikpela tok amamas long spot opis long givim dispela helpim. "Stat long 1978 i kam inap nau, mipela i no bin kisim wanpela helpim i kam long spot opis," Ranu i tok.

MCA i bin statim junia resis long las yia. Na nau em i namba tu yia bilong junia resis. Na dispela helpim spot opis i givim bai kirapim tingting bilong planti yangpela long pilai strong. Nau yet ol sumatin bilong Tusbab na Good Shepherd haikul tasol i save pilai.

Ol tim husat i stap insait long resis bilong dispela yia em Island Airways Colts, Mazda Carps, Wanderers na K-Lagoons.

Ranu i tok Madang bai makim wanpela tim bilong go.

## Malangan kamapim pret long Lae sofbal

### ELLIOT RAPHAEL I raitim

PEPSI Malangan, wanpela tim bilong Lae sofbal resis husat i stap daunbilo long lata i soim pinis olsem ol tu i gat laik long go pilai long gren fainal.

Ol i soim strong bilong ol taim ol i daunim YMCA, 12-11 long Sande.

Planti strongpela tim long Lae nau i mas tingting gut sapos ol i pilai wantaim Malangan. Long wanem strong bilong ol boi Kavieng i wok long kirap isi isi nau.

Wanpela strongpela lapun pilaia bilong ol, Benson Otto i kam bek pinis long Alotau na i go pas long dispela win bilong ol wantaim sevenpela K2.

Sapos ol i wokim wankain gen long neks wik, ating bai ol inap long stap insait long ol fainal.

Long namba 2 ining i go inap long namba 4 ining, ol Malangan i wok long kisim samting olsem foapela ran na dispela i helpim ol long win. YMCA i strong tu tasol ol boi Malangan i wok long rausim ol klostu klostu.

Long ol narapela gem bilong las wiken, Aviat i rausim tiket bilong Kabiu 6-2, Lae Bisket Hawks i memeim Wopa Karanas, 20-3 na Maiba Royals i wokim wankain pasin long Bismak, 15-1.

PNGBC i dro wantaim ACI Taubar, 8-8.

Ol Taubar i pilai wantaim nupela yunifom bilong ol tasol dispela i no helpim ol tumas long wanem ol lain boi bilong nambawan ya i holim pasim ol gut tru long kem bilong ol.



• Tom Alau bilong NBC husat i givim beksait long kamera na Herman Gawi long raitim i traimit long kisim bal long wanpela pilaia bilong Natres. NBC wantaim Natres i bin strong na tupela i dro 1-1.

## Asua bilong ketsa daunim ol meri Wantoks

### MESERY GUBAG I raitim

WANTOKS A gret sofbal tim bilong ol meri long Mosbi inap win tasol asua bilong ol yet i mekim na ol i lus long Fuji, 2-1 long las wiken.

Fuji i bin mekim dispela tupela homran long namba tri ining taim ketsa bilong Wantoks i abrus na i no holim bal em senta aufilda i tromoi long em. Gem bilong tupela tim wantaim i bin strong tru bihain long dispela tupela homran.

Fuji i bin luksave olsem sapos ol i no was gut, Wantoks bai autim ol. Olsem na ol i stat blokim ol beta bilong Wantoks husat i laik ron i go long ol bes. Olsem na trangu ol Wantoks i no bin gat spes liklik long kisim win taim ol i sanap long namba wan o namba tu bes.

Wanpela homran bilong ol tasol i bin kamap long namba 5 ining. Dispela i kamap taim namba tri

bes pilaia bilong Fuji i krangi na tromoi bal i go long namba wan bes taim wanpela pilaia bilong Wantoks i sanap long namba tri bes. Ol i bin autim beta tasol meri long namba tri bes i go krungutim hombes pinis na tri daun. Na ampaya i kaunim dispela olsem wanpela homran.

Bihain long dispela, tupela tim i no pilai nabaut. Ol i bosim ol bes gut tru na no gat moa homran i kamap. Yangpela Antonia Tatai bilong Wantoks i bin soim olsem em i no wanpela pilaia nating. Bikos inap kamap wanpela gutpela pilaia stret sapos ol i givim em sans.

Em i bin kamapim gutpela gem tru long sait bilong paitim na ketsim bal. Na tu long bekap pilai na timwok.

Long ol arapela pilai kamap, Gazelle i winim United, Chebu i lus long Mazda 13-8 na Malangan i bin rausim pawa bilong Elcom 5-1.

Insait long poin lata nau, ol tim husat i mas tingting gut na pilai em Wantoks na Malangan.

## United Sisters banisim sia bilong fainal

KWIN bilong A gret sofbal resis bilong ol meri long Madang, United Sisters i kisim namba pinis bilong pilai long ol fainals long dispela wiken.

Na tim menesa, Bernard Brandan i amamas tru long dispela.

Em i tok ol meri United Sisters i bin pilai wantaim ol sampela strongpela tim olsem Karanas, Kabiu na Malangan, tasol ol lain Sisters i soim strong bilong ol na winim ol pilai.

Olgeta pilai bilong dispela sisen i pinis las wiken. Na ol fainal bai stat long Sarere.

Long las wik, ol lain United Sisters i bagarapim stret Malangan na winim ol, 15-6. Las wik i bin wanpela taim nogut bilong Malangan olsem na United i nekim ol wansait.

Ol meri husat i bin pilai gut long Sarere na Sande

em Anna Saliu, Eva Makis, Anna Marjin, Jane Subam, Elizabeth Missian na Brandan. Ol dispela pilaia i kamapim gutpela pilai na helpim tim long go insait long fainal.

United i bin kamapim wanpela gutpela gem tru long Sande taim ol i winim Kabiu, 26-9. Long Sarere ol i autim Malangan na long Sande ol i nekim Kabiu.

Long namba tu ining, United i bin go pas long skoa, 15-2. Long namba 5 ining, Kabiu i wokim wanpela homran tasol long kisim poin. Tasol long namba 6 na 7 ining, United i-strong na kisim gen narapela 11 poin na bringim skoa bilong ol i go antap long 26-9.

Kabiu i lus bikos mama Josephine na junia bilong em, Judith Zale i no bin tromoi bal gut.

# Morobe painim K6,000 bilong holim kantri tonamen

## YAKAM KELO i raitim

MOROBE Kantri Soka Asosiesen (MCSA) bai wok strong stat nau inap long neks mun long painim K6,000 bilong kamapim Morobe Kantri soka tonamen. Resis bai stat long 19 na pinis long 21 Mas, 1993.

Tonamen bai kamap long dispela taim, tasol mani i kam insait long asosiesen i no kamap gut tumas.

Kodineta bilong MCSA, Ludwig Peka i tok MCSA bai lukluk moa long afiliesen fi bilong wan wan klap i kam long asosiesen.

Peka i tok ol i raitim pas pinis na salim nabaut long ol kampani na bisnis, tasol no gat gupela bekim i kam yet.

Tasol em i strong yet olsem bai no gat bikpela hevi tumas bikos progrem i wok long ron gut. Na tonamen bai kamap long Lae.

Tasol MCSA i gat narapela hevi tu i stap yet wantaim Papua Niugini Futbol Asosiesen, PNGFA, long K500 afiliesen fi bilong dispela yia.

Ludwig i tok i tru ol i no baim yet dispela fi long PNGFA, tasol ol bai traime painim mani long sampela hap.

Wanpela komiti bai ranim olgeta wok bilong MCSA na givim ripot bilong ol i go long MCSA eksekutiv long pinis bilong olgeta tonamen.

Ludwig i tok eksekutiv bai was tasol long dispela komiti long wanem kain hevi we bagarap o pait samting i kamap long en na i go long han bilong lo. Olgeta distrik i ken

salim c'sem tripela o 5-pela tim i go long Morobe Kantri soka tonamen long neks mun. Tasol Kaiapit Distrik tasol i tambu long salim moa long tripela tim.

"Husat tim insait long Kaiapit i laik afiliet long MCSA, em i mas lukim Distrik Spot Opis bilong ol pastaim. Distrik bilong em i mas oraitim em pastaim, orait MCSA i ken kism

em i kam insait," Ludwig i tok.

Dispela i bihainim sampela trabel Kaiapit tim i bin kamapim long MCSA tonamen tupela yia i go pinis.



• Dispela pilala bilong Yunivesiti long lephan i traime long kism bal long wanpela pilala bilong Teachers. Yuni i strong na winim Teachers wantaim 5-0 skoa.

### GOROKA SOFTBALL ASSOCIATION WOMENS DRAW SUNDAY FEBRUARY 21 & 28 1993

TIME	GAME	T/OFFICIALS
12.30-14.00	3 vs 1	F.Works.Wantoks
14.00-3.30	6 vs 2	Gazelle.Elcom
3.30-5.00	5 vs 4	NGI.F.Works
12.30-2.00	4 vs 2	Gazelle. B.Eagles
2.00-3.30	6 vs 3	NGI. Wantoks
3.30-5.00	5 vs 1	F.Works .Elcom

### PORT MORESBY RUGBY LEAGUE PRE-SEASON 1993 Saturday, February 20 Week Two

TIME	TEAM	VS	TEAM	Sunday, February 21st
12noon	Magani	vs	Royals	
2pm	Tarangau	vs	Paga	10am Souths vs DCA
4pm	Brothers	vs	Waliya	12noon Wests vs Seagulls
				2pm Wests vs Hawks
				4pm A/Niugini vs Kone

## Sauten Hailans amamas long ol 15 spot asosiesen bilong en

PILAI bilong ol kain kain spot i wok long kamap bikpela long Sauten Hailans provins.

Sauten Hailans i gat samting olsem 15 spot asosiesen. Long dispela, 10-pela tasol i statim ol pri sisen pilai pinis. Ol arapela i tingting long statim bilong ol sampela taim bihain.

Provinsal spot opisa, Robert Kopal i tok wok bilong ol spot insait long provins i kamap bikpela tru. Dispela i kamap ples klia taim ol i statim volibal resis long las yia. Stat long dispela taim i kam inap nau, volibal i pulim pinis planti manmeri long pilai. Planti asosiesen nau i wok long statim ol volibal gem bilong ol.

Insait long provins, planti man i save bihainim soka, basketbal, volibal na ragbi lig. Provins i laik kamapim ol arapela pilai tasol ol manmeri i no tingting yet long pilaim ol dispela gem.

Mista Kopal i tokaut pinis long givim

helpim long olgeta spot asosiesen long provins. Na opis bilong em bai givim K500 i go long wan wan spot asosiesen long helpim ol.

Narapela samting em Sauten Hailans bai holim wanpela provinsal basketbal tonamen. Dispela resis bai kamap long Epril 23 na pinis long Epril 25. Ol wokman bilong Chevron long Kutubu bai salim tu wanpela tim i go long dispela tonamen.

Na i luk olsem Chevron bai kamapim sampela bikpela bagarap long dispela resis. Bikos ol i gat sampela pilala bilong arapela kantri olsem Amerika. Na sampela bilong ol pilala i pinis long ol asosiesen insait long kantri bilong ol.

Nau yet Chevron i tokaut tu long wokim tupela nupela pilai graun bilong basketbal long Mendi taun. Chevron i no salim wanpela pas i go long spot opis yet bilong tok save long wanem taim ol bai givim mani.

## WINIS MAP i raitim

SEKETERI bilong Pot Mosbi Soka Asosiesen (PMSA), William Vui i laikim nau K350 afiliesen fi bilong ol klap husat i tingting long stap insait long 1993 sisen.

Vui i laikim klap afiliesen fi pastaim long Februeri 26. Pilaia rejistresen fi bilong 1993 sisen em K25. Pastaim PMSA i save sasim K20 long wan wan pilala. Tasol long dispela yia, ol apim rejistresen fi i go antap long K25. PMSA yet bai kism K20 na Papua Niugini Futbol Asosiesen (PNGFA) bai kism K5 bilong dis-

pela fi.

Narapela samting em pri sisen kik bai kamap long 27 na 28 Februeri. Kik bilong dispela yia i narakain liklik bikos ol i no inap larim 11-pela man long pilai. Pri sisen em 7-asait kik we 7-pela man tasol bai

pilai long wanpela tim.

Sampela tim i baim piris K50 nominesen fi bilong ol long stap insait long pri sisen kik. Dispela ol tim em GFC 1 na 2, Keweh, Daka Streets, University, Tarangau, Sunam, Katumani, PTC na Ver-

ave 1 na 2.

Na tim bilong ol meri husat i baim nominesen fi pinis em Sunam, PTC na GFC.

Vui i srukim taim bilong baim nominesen fi gen i go long Februeri 19. Bikos planti ol tim i no baim.



• Ol pilala bilong NBC na Natres i resis long kism bal. Tupela wantaim i strong na dro 1-1.



# BENSON & HEDGES SOKA

Wantok

pes 28

## Tambu bilong ol meri Rabaul pinis

### WINIS MAP I raitim

PAPUA Niugini Sofbal Federesen i givim tok orait pinis long Rabaul Womens Sofbal Asosiesen (RWSA) nau i ken stap insait long ol bikpela sepi-onsip long kantri. Papua Niugini Sofbal

Federesen (PNGSF) i bin stapim ol meri Rabaul long stap insait long ol bikpela sempionsip. Taim ol opisal husat i bin lukautim wok bilong RWSA long 1991 na 1992 sofbal sisen i bin kros wantaim ol opisal bilong PNGSF.

Hevi i bin kamap taim tripela meri husat i bin

pilai long Gaza Sofbal Asosiesen i bin go na pilai wantaim sampela tim long Rabaul.

PNGSF i bin askim ol dispela tripela meri long go pilai long Rabaul wantaim wanem tim ol i laik. Tasol RWSA i no bin amamas taim dispela ol lain i go na pilai bikos ol i no bihain lo

bilong asosiesen.

Dispela ol meri i no bin pilai bihain long dispela hevi i kamap. Tasol PNGSF i bin go het na kisim ol long stap insait long PNG skwat long pilai long Saut Pasifik Gem.

Presiden bilong PNGSF, Jack Pidik i tok dispela em i wanpela liklik hevi em ol

inap stretim wantaim RWSA. Tasol ol opisal yet i bin pulim toktok i go i kam olsem na PNGSF i stapim ol long pilai.

Pidik i tok, PNGSF i no stapim ol long stap insait long ol bikpela pilai long dispela yia. Em i tok sapos ol meri long Rabaul i gat tingting long stap insait ol i

mas baim K350 afiliesen fi bilong ol hariap pastaim long pinis bilong dispela mun.

Wantok i save olsem RWSA bai stap aninit long lukaut bilong Rabaul Mens Sofbal Asosiesen (RMSA). Dispela i bihainim tasol wanpela tingting ol meri i wokim bihain long ol i painim olsem em bai kostim ol planti

mani long bain afiliesen fi bilong ol yet.

Tasol bihain long wanpela kibung ol opisal bilong man na meri i bung long Mandae nait ol i tokaut olsem ol meri bai stap aninit long lukaut bilong asosiesen bilong ol man. Na dispela i min olsem ol bai baim wanpela afiliesen fi tasol.

## Angasa autim nupela straksa na laik lusim Madang soka

### BEN TAUMAI I raitim

PRESIDEN bilong Madang Soka Asosiesen (MSA), Peter Angasa i tingting nau long lusim wok bilong em olsem presiden na larim nupela man i kisim.

Angasa i tok em bai tokaut long dispela taim MSA i holim AGM bilong em long 22 Februari.

Em i tingting long lusim wok presiden bikos ol klap opisal na ol pilai i no save wokbung wantaim MSA eksekutiv long kamapim mani na lukautim ol pilai.

"Aninit long lo bilong asosiesen, presiden ol i makim i mas holim wok inap long tupela yia. Mi wok inap long tupela yia pinis na nau em i taim bilong makim nupela man," Angasa i tok.

Tasol em i gat laik long holim wok olsem wanpela man bilong mekim ol samting long kamapim mani bilong

### MSA.


Na em i ting olsem sapos wanpela nupela man i kisim ples bilong em, olgeta samting bai kamap gut.

Narapela as Angasa i laik lusim wok bilong presiden em long tupela yia i go pinis, em i bin hatwok tru long kamapim ol pilai long Madang.

Pastaim long em i lusim wok, em i laik tok save long nupela streksa bilong MSA em i wokim. Angasa i laikim asosiesen i mas gat wanpela presiden, tupela namba tu presiden (edministresen na teknikel), seketeri, disiplin komiti, tresera, niusman, mausman bilong ol kosa, referi, meri na junia divisen.

Ol lain husat bai stap insait long disiplin komiti em wanpela loya, wanpela plisman, teknikel opisa, seketeri na presiden.

Wok bilong tupela namba tu presiden em long lukautim trenspot, ol prais, stretim ol referi na kosa, kamapim ol kibung na kamapim ol trening bilong ol kosa na referi.



Nogat rot....Dispela pilala bilong Wanzesi i banisim tru birua bilong em long kisim bal.

PAPUA NEW GUINEA SOFTBALL FEDERATION	
<b>1993 SOFTBALL SPORTING CALENDAR</b>	
10 - 12 Apr	National Softball Championship
Venue:	Port Moresby
Participants:	Provincial Associations who are affiliated to the PNGSBF
14 - 21 Apr	National Training Camp
Venue:	Port Moresby
Participants:	National Squad (Men/Women)
24 Apr - 1 May	Arafura Sport Festival
Venue:	Darwin (Australia)
Participants:	National Squad (Men/Women)
27 May - 1 Jun	ISF Annual Congress
Venue:	Taiwan
Participants:	Delegation from the PNG Softball Federation
26 Jun	PNGSBF Annual General Meeting
Venue:	Lae
Participants:	Two delegates each from current executives of affiliated associations
16-19 Sep	National Softball Club Championship
Venue:	Port Moresby
Participants:	Premier/Runner-up clubs

## Forcols na Lanzinlu bung gen long Wau

WAU bai paia gen long Sarere, 20 Februari taim Kobiak Spot Asosiesen i pinisim olgeta pri sisen gem bilong soka.

Long soka bilong ol man, Lanzinlu Bratas bai bungim ol boi nogut bilong Forcols. Lanzinlu Bratas i mas was gut tru long ol boi bilong Forcols. Na ol i noken givim sans taim ol bungim ol i long dispela wiken.

Long las wik Sarere taim tupela tim i pilai long painim wanem tim bai go stap long gren fainal, Lanzinlu Bratas i bin winim Forcols 5-0. Tasol dispela i no bin stapim ol long pilai strong long go insait long fainal.

Bikos ol i bin stap namba wan long poin lata bilong soka resis. Na Lanzinlu i bin stap namba tu.

Olsem na ol i gat wanpela moa sans.

Forcols i bin kisim yesa bilong go insait long ol fainals long las wik Sande bihain long ol i bin winim Bundaks 4 - 1. Bundaks i pilai wantaim Nigema long painim namba 3 na 4 ples. Na ol i bin winim ol Nigema.

Tasol ol i no bin strong inap long winim ol Forcols bilong go insait long gren fainal. Olsem na Forcols bai bungim gen Lanzinlu long fainal.

Kain pilai bilong ol Forcols inap long mekim ol i winim dispela gren fainal sapos Lanzinlu i no was gut long kain man olsem Alu Tuk.

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

### INSAIT

• Morobe Kantri laikim fi...p25

• Das kirap long Goroka 7-asait...p26

• PMSA laikim K350 bilong afiliesen fi...p27

• Madang sapatim ol liklik spot...p26



Morobe painim K6,000 bilong holim Kantri tonamen...p27

# Spak Maik

MI NOGUT O?

EM I GO KALAP LONG KAR NA TOKIM DRAVA LONG TEK-OFF...

NAU DRAVA KARIM EM I GO...

OL I KAM KAMAP LONG JEKSON EAPOT NA MAIK I NO WET...



TASOL LONG DUA SEKIURITI PASIM EM NA ASKIM...

EM PUSIM EM YET I GO INSAIT NA GO ASKIM MERI, YAH...

HARIAP TRU EM RON I GO AUISAIT NA LUKIM BALUS IGO...





# REBO



# Kubota

KUBOTA Corporation

\* GENERATORS \* WELDERS  
\* WATER PUMPS \* BRUSH CUTTERS  
POWERED BY RELIABLE KUBOTA ENGINES.

ALL MADE TO YOUR SPECIFIC REQUIREMENTS

GENERATORS

PETROL	WATTS
AV 650	450 WATTS
AV 1600	1200 WATTS
AV 2500	1800 WATTS
AV 3800	2800 WATTS
AV 4500	3100 WATTS
DIESEL	
ASK-R130	2100 WATTS
ASK-R150	3500 WATTS
ASK-R180	5600 WATTS
ASK-R3100	7000 WATTS

WATER PUMPS

PETROL	MAX CAPACITY PER MINUTE
KGP 20E	530 LTR.
KGP 30E	1000 LTR.
DIESEL	
KDP 30E	1200 LTR.

WELDERS

DIESEL	AMPS
FS 250B	250 DC
	AMPS RATING

BRUSH CUTTERS

PETROL	BLADE TYPES
D120	NYLON CUTTER
	for soft and low weeds or grass.
D 220	8 BLADE CUTTER
	for hard weeds or grasses.
D 320	SAW BLADE
	for smaller bushes and branches.

For further details contact NABISA on Ph: 25 5411.

After Sales Service and Spares is our Speciality.

# Brian Bell Stores

■ BOROKO 25 5411 ■ LAE 42 1433 ■ GOROKA 72 1098 ■ MT. HAGEN 52 1999 ■ RABAU 92 1966

A MAJOR SPONSOR



9th SOUTH PACIFIC GAMES PAPUA NEW GUINEA 1991

# Musik Televison na Komik

## Nokondi Nama redi long namba 5 kaset

OL lain husat i save laikim musik bilong Nokondi Nama i ken amamas long wanem em bai katim namba 5 kaset wantaim CHM studio namel long dispela ya.

Charles Essyhafo, man husat i save katim ol

kaset bilong Nokondi Nama i tok em i laik go het na pilaim ol gutpela musik bilong Isten Hailans.

Long nau, em i laik katim wanpela singsing em yet i bin singsing long namba wan kaset bilong Nokondi Nama.

Dispela song em *Apae* na em i stori long gelpren o 'lewa' insait long Bena Bena tok ples.

Essyhafo tu i bilong Bena Bena.

Em i tok *Apae* i gat gutpela mining tru na i ken katim lewa, maski sapos ol i lapun nogut o yang-pela man. Tasol taim em i bin katim pastaim long namba wan taim tru, swit bilong singsing i no gutpela tumas.

Dispela taim, Essyhafo i tok singsing bai bagarapim sindaun bilong ol man na meri long wanem em i stailim moa yet.

Wanpela samting Charles i no amamas nau em long ol singsing ol pawa ben i save stilim ol long narapela ben na singim. Em i tok gavman i mas putim wanpela lo long pinisim dispela kain pasin.

Tasol nau yet, em i amamas long nem em i wokim long musik.

Tupela singsing long namba foa kaset bilong em i wok long go antap nau long lokol musik sait long radio na televisen. Ol singsing ya em long *Olei Olei na Dimulkra*.

Mangi nogut "Safanaga" i kisim diploma bilong musik long Nesenel Ats Skul long 1980. Dispela taim em i kisim biknem long wanpela singsing em i raitim ol i kolim long *Megusa*.

Nau em i stap was long mama bilong em long Goroka haus sik na planti man tru i wok long baim kaset bilong em, Nokondi Nama Vol. 4 olsem wara stret.

### EM TV

THURSDAY 18TH FEBRUARY, 1993		SATURDAY 20TH FEBRUARY, 1993	
4.00	KIDS KONA	4.00	KIDS KONA
5.27	STATION OPEN	4.30	FAT CAT
5.30	ITN NEWS (G)	4.30	SCOOBY DO WHERE (G)
6.00	TODAY SHOW (G)	5.00	ARE YOU
8.00	STATION CLOSE (G)	5.00	TEENAGE MUTANT NINJA TURTLES (G)
1.29	STATION RE-OPEN	5.27	EMTV TOK SAVE
1.30	RAY MARTIN (PGR)	5.29	EMTV NEWS BREAK
3.00	KIDS KONA	5.30	HOME AND AWAY (G)
	SESAME STREET (G)	6.00	NATIONAL EMTV (G)
4.00	FAT CAT		NEWS
4.30	SCOOBY DOO (G)	6.30	A CURRENT AFFAIR(CA)
	WHERE ARE YOU	7.00	SALE OF THE CENTURY (G)
5.00	HOME AND AWAY (G)	7.25	MUSIC NEW RELEASE
6.00	NATIONAL EMTV (G)	7.30	RUGBY LEAGUE CHALLENGE
	NEWS	9.30	NDC NEWS
6.30	A CURRENT AFFAIR (CA)	9.40	NEIGHBOURS (G)
7.00	SALE OF CENTURY (G)	10.00	RUGBY LEAGUE CHALLENGE
7.25	MUSIC NEW RELEASE	10.27	EMTV TOK SAVE
7.30	NEIGHBOURS (G)	11.30	NATIONAL EMTV NEWS
8.00	FIZZ (G)		Replay
8.30	THE GOLDEN GIRLS (PGR)	11.57	MEDITATION WITH PASTOR WALO ARNI
9.00	RUGBY LEAGUE (G)	00.00	STATION CLOSE
	CHALLENGE	SATURDAY 20TH FEBRUARY, 1993	
9.55	MUSIC NEW RELEASE	4.47	STATION RE-OPEN
10.25	MUSIC NEW RELEASE	5.00	MERCANTILE MUTUAL CRICKET
10.30	HEY DAD	10.30	SKY ROCK (G)
11.00	NATIONAL EMTV NEWS REPLAY	12.00	MERCANTILE MUTUAL CRICKET (Final) cont.(G)
11.27	MEDITATION WITH PASTOR WALO ARNI	12.30	GILLETTE (G)
11.30	STATION CLOSE	1.00	MERCANTILE MUTUAL CRICKET cont. (G)
FRIDAY 19H FEBRUARY, 1993		5.57	MUSIC NEW RELEASE
5.27	STATION OPEN	5.00	BEYOND 2000 (G)
5.30	ITN NEWS (G)	6.00	NATIONAL EMTV (G)
6.00	TODAY SHOW (CA)		NEWS
8.00	STATION CLOSE	6.30	HEY IT'S SATURDAY (G)
1.20	STATION RE-OPEN	8.30	FOCUS (G)
1.22	MUSIC NEW RELEASE	9.00	BURKE'S BACKYARD(G)
1.27	EMTV TOK SAVE	10.00	HAWAII 5-0 (PGR)
1.30	RAY MARTIN AT MIDDAY (CA)	11.00	NATIONAL EMTV NEWS
3.00	KIDS KONA		
	SESAME STREET		

## PNG TOP 20

AS AT 13/02/93

NO.	SONG	ARTIST
1 (1)	Bilas Peles	George Telek
2 (4)	Peace In PNG	Telek & Friends
3 (2)	He Turned My Morning	Sikal Kelep
4 (3)	Ailan Bilong Mi	Shutdown
5 (9)	Rowena	Barike
6 (5)	Krai Bilong Ol Grassruts	Kopex
7 (7)	Swit Bougainville	Trouble Zone Band
8 (8)	Sila	Memehusa
9 (6)	Iau Serious	Painim Wok
10 (12)	Poin Palawat	Kanai Pineri
11 (17)	Borom Sunset	Telek
12 (18)	Local Raggie	Basil Greg / Charles Kivovon
13 (0)	Namisai	Telek / Kuskus
14 (0)	Anita	John Wong / George Telek
15 (14)	Betty Betty	Rabbie Gamenu
16 (15)	Mi Save Vari Tru	George Telek
17 (16)	Imuty Lele	Rabbie Gamenu
18 (13)	Eni Mihae	Voice In The Wind
19 (19)	Hauka Lareoa	Basil Greg / Aida Paska
20 (11)	Iau Serious Tam	Telek

• Ratings based on requests on Radio Kalang and not cassette sales.

# raun bilong SUZ na UKI wantaim CHIEF

JADAZON '93

STORI BILONG LAS WIK... OL RASKOL I KISM TAIM NA OL I RONAWE...

AEE! MI SIVAP LONG KAMAP RASKOL NAU!

YU NOKEN TOK.. MI TU YAH!

SARAP NA RON TADU!

HA! HA! HA! LUKIM OL RON! OL I TING POLS YAH!

HOHO! HO! HE! HE! HE!

NYAK! NYAK!

NAU OL I RAUSIM DIWAI LONG KLAIM ROT NA OL I GO...

EM NALI! INO HATWOK TUMAS LONG RAUSIM DIWAI, YAH.. LAKAE.

SMOL TINGS!

HA! HA! HA! MI NO WET LONG LUKIM TUMBUK LONG LAE!

KLOSTU OL I KAMAP LONG LAE TAUN NA REN I KAPSAT...

OH-NO! REN I KAM PAUN, YAH!

MAMAMIA! EM KAPSAT, YAH!!

DISPELA KAIN REN BAI BAGARAPIM LUKLUK BILONG MI LONG ROT.. BAI YUMI BAM, YAH!

OLSEM WANEM NAU?

CHIEF INO INAP LONG LUKLUK NA DRAU!

I GO MOA NEKS WIK!

**Give it  
to me!**



**trukai**

**GIVE ME STRENGTH!  
GIVE ME HEALTH!**





# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.